


# U BUKÉTI PA SŪMBI

 Bo uswe tukāli ukwinamisya imitu gyitu ku lwiputo, une ngulonda ukubala gamo mwa Lisyu lya Kyala. Une akabalilo kosa nīganīle ukubala i Lisyu Lyake; panongwa yakuti amasyu gangu gisakutoligwa, agēne ga mūndu, loli i Lisyu Lyake likabagīla ukutoligwa. Kangi kwa umwe mwe mukukyunga utusīmbe, na fyōsa bo ifyo, unko uswe tubale ukufuma kwa Matai untu gwa 14, ikilo iki, ukwanda ni linandi lya 22.

*Kangi ukufuma pala Yeso ikufimbilisya abafundigwa bāke ukwitoga mu sitima, nukutala pankyeni pa mwene ukubuka ku lubafu ulungi, akabalilo kāko umwene abalyaniāga ikilundilo.*

*Kangi akabalilo kāko umwene abalyēnie ikilundilo, umwene alinkubuka nkyāmba ukwakwīpūta: kangi akabalilo kāko...amayolo gālisīle, umwene āli pamwene.*

*Lōli i sitima yāli lilino pakati pa sūmbi, yikyuganisigwa na mayiga: namanga umbelo gwalwāga.*

*Kangi mbukētésyo bwa kina ubwa nkilo Yeso alinkubūka ku bēne, ikwenda pamwanya pa sūmbi.*

*Kangi akabalilo kāko a bafūndigwa bālimbwéne umwene ikwenda pamwanya pa sūmbi, abēne balinkupāsya, bikuyoba, Ikyene kyo kisiyuka; kangi abēne balinkukūta panongwa ya lutende.*

*Lōli nukutalula Yeso alinkuyoba ku bēne, alinkuti, Yaga nu bukyēle ubununu; ikyene yo Une; komma ukupasya.*

<sup>2</sup> Unko uswe twinamisye imitu gyitu lilino panongwa ya lwiputo. Bo imitu ni ndumbula syītu syinamisigwe pankyeni pa Kyāla, ngimba kulipo ukufumbwa nkiyumba, ikilo iki, ukwakuti ugwe kulonda kumanyikigwa na Kyāla, ukwisila mu kyīnusya amaboko gīnu, nukukūmbukilīgwa mu lwīpūto? U Ntwa alikētāga pa umwe, ayége ni kisa pa uswe.

<sup>3</sup> Tata gwitu Gwakumwanya, uswe tukwisa lilino mu Kuyapo Kwako, mu njila na mu Ngamu ya Ntwa Yeso. Bo tumēnye, nululisimikisyo ulusayigwa, ukuti Umwēne ātufingīle uswe, linga uswe “tukusuma kilikyosa” mu Ngamu Yake, ukuti Ugwe ubagile ukutupaga ikyene kuli uswe. Uswe tukupālisya fiyo panongwa ya iki. Amasyu gikutoligwa ukulīngānia mūmo uswe tukwīpilikīla ukufwana ni kyēne, nu lulisimikīsyo ulu uswe tuli nalo, ukuti Ugwe kutupilikisya uswe itolo lilino.

<sup>4</sup> Ugwe kugabona amaboko gala, Ntwa. Ugwe umēnye iki abēne bafumbilwe. Ugwe gwe Kyāla mmanya-fyōsa, mwene-maka, nsitampaka, kangi uswe tumēnye Ugwe umēnye indumbula sya bāndu. Ugwe gwāmēnye aminogono gītu. Pópe bo uswe tukāli tukāpeligwémo siku, Ugwe gwāmēnye ilinogono lililyosa ili uswe twātigi tusayége nalyo, namanga Ugwe gwe nsitampaka.

<sup>5</sup> Kangi uswe tukusuma, Ntwa, pa sala iyi, bo ifinyonywo fyitu fikufikila kwa Ugwe, kētésya pāsi ukufuma ku Mwanya, Ntwa, nukwega ifyākusúma fyitu ku ndumbula Yako Gwimwene, Ntwa, nukutwāmúla uswe ukufwana nu bukābi Bwāko mu Lwīmíko. Tupaga uswe ikinyonywo kya ndumbula yitu, bo tukusūbila ukuti ikyene kyo bwigane Bwāko Bwākyāla. Kangi uswe tumenye ukuti ubwene bo bwīkyéle Bwāko ubununu ukubomba ubwigane Bwāko.

<sup>6</sup> Tupaga uswe ukonenela-panja ukukulumba ukwa Kuyápo Kwāko, ikilo iki, kangi Ntwa. Bumbulusyaga ababíne. Pokága abayōnge, basyūsyága bala aba bafwile mbutulwanóngwa ni ngilanio, nukubatlala abene ku Bumi ubupya, ikilo iki. Uswe tulinketa Yeso. Uswe tukusuma ikyene mu Ngamu Yake. Ameni.

<sup>7</sup> Umwe mulitugasya. Uswe tusulumenie ukuti uswe tukabagila ukwingisya abandu, panongwa ya buyo bwa bwītūgāsye. Loli, ukufuma pa kilo kyākwānda, abene bikuti abene bāfimbilisigwága ukugómósya ifilundilo ifikulumba ifya bandu, popapo uswe tusulumenie fīyo panongwa ya ikyo. Kangi Ngundwe Grant itolo akāfikilépo ukukyéga ikyumba ikinine, pamo, uku. . . Une ngusūbila ikyene ko ku kimama kūko umwene isakugūtilága ikiyabo iki. Umpala, umpala nkundwe umwīsyúgu ālindālūsísye une linga une nābagile ukukitendeka iki kindu kyapakyinja kilikyōsa, ukugomokela ku Dallas, ku kipanga kyake. Ukukoleligwa ikukulumba bo uko, mu sala iyi, akabalilo kāko ififígo fikwigála nakalinga fiyo, kangi polelo u nnyāmbála yula ikulōnda une ukugomokela kangi nukukipela ikyene kindu kyapakyinja kilikyōsa, ubwīnáke. Une ngupalisya ikyo.

<sup>8</sup> Une nali nakabalilo ka bulilanisi na bene ulubunju ulu, na Nkundwe Gordon Lindsay na bingi ba bēne. Nkundwe Peary Green, uyu yo nhombi gwa lukomano ulu lukwisa pasi ku Beaumont, itugesye kunyuma kwa une muno ikilo iki. Kangi bīngi, abinítu, Nkundwe Don nu nkasi gwake. Uswe tuli basangalufu fiyo ukuya nabo abene apa. U Ntwa abasaye abēne.

<sup>9</sup> Lilino, ikilo iki, itolo. . . Une nagelaga ukutendeka i Ndumi syāngu itolo ukuya mbepe mūmo isyēne syābagile ukuya, ukuti yópe nu mwāna abagile ukusipilikísya isyēne.

<sup>10</sup> Kilabo pamusi lo lukomano lwa kusōka panja, kangi une nanyonywaga umwe āngáli mwesa ukwisa panja.

<sup>11</sup> Lilino linga umwe muli ni ngomano ku kipanga kyĩnu mwibene, fiki, umwe—umwe syāla pāpo umwe muli—kũko umwe mubĩkĩgwe. Uswe tutikulōnda nayumo ukukileka ikipanga kyābo, uku. . . Kangi polelo linga umwe muli babine kangi mukulonda ukwĩsa ukwĩputilĩgwa, kangi ikipanga kyĩnu kikuyaga ni ngomano kilabo pamusi, yōba ku ntimi gwĩnu ukufwana ni kyēne, ukuti umwēne atikwipĩlĩka mbubĩbi, umwe mumenye. Unko umwene amānye ukuti uswe tuli apa mbubombelo palikimo, uku—ukutula u Mbili gosa gwa Yeso Kristi ugu gukuyata kuno mu Dallas nukusyungutula.

<sup>12</sup> Popāpo, kilabo pamũsi, une ngwinogona, pa sala yabubili-na-sinda, une nguyaga pakuyoba i Ndumi yalusasānio. Kangi polelo uswe tukwiputilaga abandu ababine bōsa, ukupimba amakadi ga lwiputo gosa ni findu ifi filekelesĩgwe ukukinda mu ndungu, nukufipũtila fyosa fya ifyēne kilabo.

<sup>13</sup> Lilino ikimanyisyo kyangu ikilo iki kili bo itolo akakino akanini, itolo pa tubalilo tunĩni. Kangi une ngugelaga ukubikāmo ifingipo ikilo iki mumo une mbagile, pa kwiputila ababine. Untu gwangu go, “komma ukutila, ikyene yo Une,” Yeso ikuyoba. Ikimanyisyo kyangu kyo: *U Bukéti Pa Sũmbi*.

<sup>14</sup> Ukwene kwābagile ukuti kwāli kwĩlāno namayolo, ilisuba lyābagile ukuti lĩngilāga pāsi akabalilo kāko iki kyābonĩke pa buyo, kangi lilino lyabagile ukuya lisiku ilipyano bo mũmo ikyene kiyĩlĩle nkati mũno.

<sup>15</sup> Ilikina lyakutalalisya lifwĩle, kangi abene bikutendekesya iliyene. Iyo yo nongwa une nsanwisye ikimanyisyo kyangu ukufuma panja pala, iki une nāyāga pakuyobapo, ukuti une mbagile ukubopela ni kyene, ukuti umwe mulingitũgasyāga mbupyano bo mũno.

<sup>16</sup> U ndobanswi unkulumba uyu, ukufuma pa kukibona iki umwene akindilemo mwi siku lilla, anketesyaga Yeso mbutumigwe Bwake abukulumba.

<sup>17</sup> Une āngāli nĩkyelĩle ukuya nu bũmi mu lisiku lila, ukunkonga Umwene. Loli, umwe mumenye, une nhobwike une ngāli ndinulusako ulwa kubomba ikindu kilakila, ukunkētēsya Umwene ikubōmba ifindu. Kangi ikyēne kyo kikulumba ukukindapo ukunkētēsya Umwene umwĩsyũgu ukukinda mũmo ukwene kwāyĩlĩle lũla. Une ndinalo u lwĩtiko lwĩngĩpo mwa Umwēne lilino, kangi mbagile ukuya nu lwĩtiko ukukinda mũmo une nābagile ukuyĩla akabalilo kala, panongwa yakuti uswe twāli nafyo ifyinja maelifu mabili ukusisimikisya ukuti i Nongwainunu yo yakutalusya. Kangi ukufuma ifyinja maelifu mabili, Umwene akāli mumi, ikubomba itolo mũmo Umwene ābombĩle akabalilo kala, popāpo uswe tuli nu busisimikisyo ubukulumbapo kangi ulwālo ulunywamupo ulwa lwĩtiko ukukinda mũmo abēne bāli nalo akabalilo kala.

18 Panongwa yakuti, Umwene ali itolo Nnyambala ikusyungutila nukwiyobela ukuti—ukuti Umwene atumigwe ukufuma kwa Kyala kang'i ali Mwanundumiana gwa Kyala, kang'i ukuti Kyala asisimikisyaga i Lisyu Lyake ilifingigwe ilya lisiku lila, nu Mwene, kang'i abene pabumo bali ni nongwa yimo ukukilamwa icyene. Abafundakyala, abene bali! Kang'i umwe ketesya icyene kyali kindu kipelakisa, icyene kyali naloliloli kipelakisa, panongwa yakuti abafundakyala bala angali bitike Kila linga Kyala akakupilile amaso gabo. Ili Bangeli lyayobile lilo.

19 Kang'i ngimba umwe mumenye Umwene afigile ukuti Umwene ikugogaga amaso gabo kang'i umwisyugu, ukuti abene bikutoligwaga ukuketa icyene? Abene bikuyaga "bantu, bamahala, bagana busangaluke ukukinda ukuya bagana Kyala, basitakusubiligwa, abinogoneli babusyobi, bamatata, bamahelu pa aba banunu; ukuya nu bubonekelo bwa bunyakyala, loli bikukanaga a Maka galimmumo." Itolo u lufingo lugomokile kuno kang'i. Kang'i ugwe ukabagila kifuki loli itolo ukubapelelela i kisa abandu, kang'i amaso gabo gakupililigwe mpaka umwisyugu. Na Masimbo ukuti Kyala afigile ukuti sisakubonekaga lululu mu lisiku ili, mu sala iyi, kang'i uswe tukuketa kulakula ku kyene nukuketesya icyene. Kang'i polelo abandu bikuketa, nukusugania imitu gyabo nukusokapo, nukuti, "Une ndikukibona icyene." Ikyene kyo kindu kipelakisa, loli pope a Masimbo gikufimbilisigwa ukufwanikisigwa. Ikyene kibagile ukuya njila yila.

20 Polelo aba bafundigwa basaligwe na Kyala. Ngimba umwe muketesisye, Yeso ababulile abene, "Bo ulwalo lwa kisu lukaligwa," Umwene abasalile abene, kang'i abene bali luyungu ulusunguligwe lwa Kyala. Iyo yo nongwa akabalilo kako ulutamio lukwisapo, kang'i abandu bafwanaga ngati balimbikile Yeso mu nguto, pa lilalusyo, likalipo nililalusyo limolyene ku bene. Abene balinkutoligwa ukukipilikisya icyene, loli abene basisimikisye ukusitakumanya ikindu nakimo ikingi loli Umwene. "Ugwe gwimwene uli ni Lisyu lya Bumi." Kang'i abene basisimikisye ukusyala ni Lyene, panongwa yakuti abene basunguligwe ku bubombela-mbombo bula.

21 Kang'i momumo kiyilile icyene umwisyugu, ukuti abanyambala na bakikulu, aba basunguligwe ku Bumi bwa Syepwa, bikwisaga ku Bumi bwa Syepwa. "Bosa aba Tata ambele Une bisakwisaga kwa Une." Ilyo lya Lisyu Lyake, kang'i likabagila ukutoligwa. Ilyene—ilyene lya Lisyu lya Kyala.

22 Kang'i uswe tukuketa abafundigwa aba lilino, ukuti bali nu lukomano ulukulumba ilisiku lila, panja pa ngunda unkulumba mula pa lubafu lwa kyamba. Kang'i Yeso ababulile abene, "Lilino umwe talaga ukukilania inyanja, nkyeni mwa Une." Kang'i Umwene abukaga mmwanya nkyamba, pamwene, ku lwiputo.

Kangi abafündígwa aba, ukufuma ukwāgána na bīnābo, une mbagile itolo ukwinozonela mūmo abēne bīpilikilāga.

<sup>23</sup> Panongwa yakuti, ukwāgána na bīnābo, kangi polelo ukufimbilisígwa ukulekana na bīnābo; itolo kifuki akabalilo kākō ugwe kwanda ukwisibilana, polelo ugwe kufimbilisígwa ukulagana. Kangi uko ko akabalilo kōsa ko kālī luko lwa kubabandumbula kwa une, ukukilania nkīsu, ukusyungutila nkīsu kyapāsi, kwālī ukwāgána na bīnāngu kangi polelo ukubaleka abēne, umenye ukuti balipo bīngi aba ugwe utisakubonaga kāngi mpaka ugwe kwaganaga na bēne ku Bulongi. Ikyēne kyo kya luko lwa kindu kisulumanisye.

<sup>24</sup> Une mbagile ukwinozonela u bwāto, ni—ni kyēni kya ubwēne bugutígwe nkiloboko. Kangi abagile ukuya yo Simoni Peteri, ni ngongi syāke isyamaka ni fibega, uyu āgutīle ubwāto ukusyungutila nukugutalusila nkati mwa sūmbi. Kangi abēne bosa bikuyigisya amaboko ukulagana ku bāla pa kiloboko. Kangi abēne balinkuywega, “Mwise kangi kuno kangi ntwala u Fundi kuno ukutukēta uswe! Kangi mwise ukuya nulusanio ulungi; uswe tusayigwe fiyo umwisyugu!” Kangi abīnābo abapya bikuyigisya amaboko. Kangi umwene alinkufyuka pamwanya pa bafündígwa bōsa, nukwitugasya lumo pa lubafu lwa nnuguna gwāke, Andrea, nukupimba mmwanya ingafi.

<sup>25</sup> I—i sitima akabalilo kala syafigigwāga pamo nu mbelo pamo ni ngafi isi abēne bākwabāga. Kangi polelo lumo abēne bītūgasyāga babīli mu bwāto, babīli pa lubafu lumo, kangi abēne bābagile. . . pamo babīle nkikota kimokyene, ndigi, lumo ntāndātu pamo ifikolekelo fyāngāfi lwele. Abēne bākwabāga nkabalilo kamokene, kangi mu njila yila abēne bābagile ukutoteka imbulo yāke akabalilo aka u mbelo gwapūtāga. Polelo, imibelo ukupūta lulwabwila, abēne bābagile ukufyusya mmwanya mwenda gwambelo, nukwenda nkyeni pa misi.

<sup>26</sup> Kwabagile ukuya pamusi apapyano, ukufuma ku bubonekelo bwa Lisimbo itolo bo lukomano ulu lukālī, kangi popāpo ukwene kwābagile ukuya naloli pamusi apākimyemye, pālisuba, papyano. Ilisuba lingilaga. Kangi abēne, bo abēne bikufīga ingafi, kangi polelo ukwabula ingoye syosa nukuyigisya amaboko pakulagana ba bāndu, “Tukusūbīla ukwagana na umwe kangi akabalilo kamo,” bo abēne bikubuka panja mwa sūmbi. Kangi kwingila kwa lisuba, kangi amayolo kwilile, kangi polelo ukufuma pa kabalilo i—i ngīsi yilinkwīngīla mula.

<sup>27</sup> Kangi abēne bābagile ukuti bāfikīlepo ukuya nu bwēngo ubununu ubwa—ubwa kufīga, kangi iyo yo mbombo ngafu akabalilo kākō ingafi sila sikwiyubika nkati mwa sūmbi. Kangi kifuki bōsa ba abēne bālī—bālī baloba’nswi, kangi banyāmbāla abamaka abakulumba, bīsibīle kwa sūmbi yula. Kangi popāpo bo abēne bāgulilāga Yeso ukwīngīla mu bwāto nukubakōnga abēne nkyeni, nakalinga lululu. Fiki, abēne balinkwisa panja

pala, kangi abène bābagile ukwelēla itolo pakayabo akanini; mu luko lwa kwega i sitima yāko ukwandako, kangi polelo ukuyileka.

<sup>28</sup> Lumo u nkeke Yohani abagile ukuya gwakwānda ukuyobapo, panongwa yakuti umwene āli yo nkeke pa bosa pakibugutila. Kangi ikyene kyābagile ukuya umwene uyu āyobile, “Une ngufika itolo ukuya ngatele panini. Unko uswe twelelege pa kayabo akanini. Gūlila i miniti, uswe tutikufimbilisigwa ukubopela. Umwene akāli akisa muno tāsi, polelo uswe kifwene nukuti tugūlile pakabalilo kanini kangi mu luko lwa kyegapo ubutuyo ubununu bwa mbepo.”

<sup>29</sup> Kangi bo umwene ālitūgēsyē pala nuntu gwāke pāsi panini itolo, umwene abagile ukwānda u lukomano lwa bukēti. Kangi ikyo kyo iki une ngulonda ukuyobapo. Ikyene kyābagile ukuya umwene uyu āsumwike mmwānya tāsi, kangi alinkuti, “Bakundwe, kali abāndu bikuyoba fiki, kangi filinga ifi aligwesa ikulonda ukusita-kwitika, une naloliloli nsisimikisye lilino, ukufuma mwisyūgu, ukuti uswe tutikukonga unyobi. Uswe tukukongesya nakimo ikinandipo ukyakusyalapo pa Kyāla, kabuno nu mūndu nayumo abagile ukubōmba iki Umwene ābōmbile umwisyūgu pene pāpo ikyēne āli Kyāla. Umwe mumenye, akabalilo kāko Umwene ālyēgile ifisyesye fila nukutumula ifyene, nukulyesya maelifu mahano pala, kila kyo kindu ikiswigisye ukukinda kwa une. Pala kwabagile ukuyapo ililālūsyō mpaka lilino,” lilino une itolo ngwandisya u bukēti bwāke mūmo ubwēne bwayīlile, “lōli ikyo kikumasya ikyene.”

<sup>30</sup> Alinkuti, “Une mbagile ukukumbukila ifyinja ifi fikindilepo. Une nālisibile ukwitūgāsya pāsi kifuki ku Yorodani. Kangi une mbagile ukukumbukila, ukuya ndumiana unnini, mūmo ummogi, u māma gwāngu gwa kiYuda āmbimbāga une mmwānya, ku namayolo, nukunyikāsya une pa malundi nukungūsa une, panja pa mbenu, akabalilo kāko ubulenge kwasōkaga mula mulubafu lwa filoboko fya Yorodani. Kangi umwene ālisibile ukukēta ukukilania ukwingilila ku lulangalanga, ukufuma kūko abāndu bītu basōsigwe ukukinda u lulangalanga ulu. Umwene ālisibile ukumbula une utupango twa mu li Bāngéle. Kamo mwa tupango utukulumba utu une ngukumbukila, kāli ka nkikūlu gwa Sunemu kangi akabalilo kāko undumiana gwāke unnini āfwile, kangi—kangi u nsololi alinsyūsīsye undumiana unnini uyu kangi ukufuma ku bafwe. Kala kāli kapango akasangalusye fiyo.

<sup>31</sup> “Lōli kamo mwa tupango utusāngulūsyē, kangi māma ālisibile ukumbūla une, umwēne ātigi, ‘Lilino, Yohani, ugwe itolo gwe ndumiana nnini; lōli une ngulonda ugwe ukukumbukila, linga ugwe kukula kuya nkusi, ukuti, u nkulumba Yehova abātwele abāndu bītu ukufyūka ukufuma ku Igupto, kangi uswe twālisile ukwisila mu lulangalanga ukukilania ikisōko kila. Kangi bōsa ku fyinja malongo

mana, abēne bālyēndīle mu lulangalanga lula, bukālīko nu buyo nabumo ubwakugyága imyenda, nabumo nu buyo bwa kulīla. Kangi Kyāla āgwisyága pāsi ukufuma ku mwanya, ikilo kilikyosa, nukubalyésya abāndu bītu mu lulangalanga lūla, panongwa yakuti abene bali mu lukindi lwa mbombo, ukunkōngesya Yehova unkulumba. Kangi lilino, ilisiku limo, Yehova isakupeligwága mbili apa pa kīsu, mbubonekelo bwa Nnyāmbála, Umwene isakukoleligwága umonelelígwe Yula, u Mesiya.’

<sup>32</sup> “Kangi une ngukumbuka,” umwene āyobága, “ukuya ndumiana unnini, mūmo fikuti ilinogono lyāngu lya ndumiana unnini lyālisibīle ukwinogonela, ukugela ukwinogonela, ‘Ngimba u Kyāla abalyésisye bulebule bōsa bala, abāndu maelifu-elifu mabili na sinda, ndulangalanga? Ngimba agwagile kugu Umwene unkati gōsa gula?’ Kangi une nālisibīle ukundālusya māma, ‘Māma, ngimba Umwene, ngimba—ngimba Yehova ali nafyo ifibugutila fya fyākupiyīla pamwanya pala mmwanya, kangi Umwene āpiyága unkati gōsa, nukubomba mpaka pakilo nukugubīka ugwene panja pamwanya pa—pa pāsi, panongwa ya bāndu, kangi imyanya iminywamu igya Kyāla gīswīle ni fyākupiyīla?’ Umwene ālisibīle ukuyoba, ‘Umma, mwanundumiana, ugwe uli nkeke fiyo ukabagīla ukupilikisya. Uketīle, Yehova yo Mpeli. Umwene atikulondigwa mma ifyakupīyīla. Umwene itolo ikuyoba, kangi Ilisyu Lyake lisisimikisīgwe akabalilo kako Umwene ikuyoba. Umwene yo Jehova unkulumba, kangi Umwene alinkukiyoba ikylene itolo. Kangi a Bāndūmi balinkuyabania ugwene pāsi pa mfu, ku bāndu.

<sup>33</sup> “Kangi umwisyugu, akabalilo kako une ngetege Umwene ikwīma pala, ngimba umwe muketesisye akabonekelo pa kisyo Kyake? Pala kukālīpo nu kwīlāmwa mu linogono Lyāke. Une nāfyūkīle pamwanya kunyuma kwa libwe, nukunkētésya Umwene bo Umwene egaga u nkati gula nukubūguyūla ugwene, nukugubīka ugwēne kula ku . . . Ababombi Bāke, uswe, ukuyabanisania ugwene ku bāndu. Kangi polelo akabalilo kāko Umwēne āfikilága ukubūguyūla kāngi, unkati gula gwālipyānikisye kangi. Kangi Umwene ābōmbīle ikyo ka mia kingikingi, mpaka aligwesa ālīkwīte, kangi fyālipo ifilundu, fiswīle, fibūnganisīgwe. Une mmenye yula akabagīle ukuya nsitakusyalapo pa Yehova, panongwa yakuti Umwene ābōmbelága bo yu Yehova ābōmbīle. Mwene yu Yehova abagīle ukupela. Kangi une mmenye ukuti u Nnyāmbála yula akaya nsyōbi mma. Alipo u Mpeli yumoywene ntiga, kangi yula yo Yehova. Kangi lilino, pa fyōsa ifindu ifi une mfibwene, kila kyalinyīkutisye une.

<sup>34</sup> “Une ngulonda umwe ukumanya lilino ukuti i ndumbula yāngu yo yilāmbikīgwe yōsa, kangu une ngwitika mōsa ukuti Umwene yo akaya nsololi itolo mma. Umwene yo nsololi,

lōli Umwene yo ukukinda nsololi. Umwene akaya nakimo ikyakusyalapo pa Yehova Kyala ikwitugásya pakati pa uswe, panongwa Umwene āpelíle unkati, kangi Umwene āli na kabombelo ka Kyāla. Yo nongwa Umwene ābagíle ukuyoba, ‘Linga une ndikubomba imbombo sya Tāta Gwāngu, polelo mungitikaga Une umwe umma; loli linga une ngubomba imbombo sya Tāta Gwāngu, kangi umwe mukabagila ukunyitika Une, itika imbombo, namanga isyēne sikubíkíla ubukēti isya Une kangi sikulíngania Uyu Une n’di.’ Kwabonekaga ngati abāndu bābagíle ukukibona ikyo, nubupepe.”

<sup>35</sup> Kangi Yohani ālíkutisígwe ukuti Umwene āli yo Mesiya, Yūla uyu Yesaya āyobíle, “Kwa uswe Mwana apapigwe, kangi i Ngamu Yake isakukoleligwaga Mfundu, Nsōka gwa Lutengano, Kyala Gwamaka, Tata Gwabwílanabwila.” Kangi Yohani ālíkutisígwe panongwa ya iki umwene ākētíle. U mwinitu unkeke ikupa ubukēti bwāke.

<sup>36</sup> Ukufwana akabalilo kala, Simoni Peteri āyobíle, “Ena, lilino, itolo i miniti. Linga uswe tukuyaga nu lukomano lwa bukēti, une ngulonda ukuya nako akandukamo ukuyobapo. Umwe mumenye, une nālōndesyága ubusóbi pa kindu kyōsa kila, akabalilo káko u Andrea unnuguna gwāngu, uyu ābukilémo ku lusasano lwa Yohani u nsololi, uyu ābíkíle ubukēti ukuti u Mesiya ikwisa kangi umwene isakunsósóla Umwene. Kangi une nāli panini gwakulonda-ubusóbi ubwa iki Andrea ayaga pakumbula une, panongwa yakuti une mbilike u luko lōsa ulwa tupango twa Mesiya na filifyōsa ifingi.

<sup>37</sup> “Lōli umwe mwesa bakundwe mukukumbukila u tāta gwāngu unkangale. Ingamu yāke āli Yonasi. Kangi umwe mukunkumbukila umwene, isya mūmo fikuti umwene āli fiyo mwitiki gwanaloliloli. Mūmo une ngukumbukila māma na tāta, na twesa ba uswe, panongwa yakuti uswe twālobag’iswi kuli bwitūgásye bwītu, kangi uswe tukākolága niswi nasimo; uswe twāfumbwága u nkati, kangi mūmo fikuti uswe twafugamaga pa kipālo nukwípúta kwa Kyāla, ‘Tupāpo uswe ukukōla iswi umwīsyúgu, Kyāla, ukuti uswe tubagíle ukulísya iswi syītu, nukuhomba ifyakumeleligwa fyītu, ukuya ni kyākulya ukulya.’ Kangi mūmo uswe twābūkilága panja mwa sūmbi, mu mbélo, nukuya bakifu uku—ukwagana ni mibelo gila.

<sup>38</sup> “Kangi tāta, une mbagíle ukukēta imbuha syāke sikubebeluka pāsi ku nyuma yāke, ilisiku limo bo umwene itugesye pa lubafu lwa bwāto nukuyoba kwa uswe, ikuti, ‘Simoni, ugwe gwe mwanundumiana unkulumba. Ugwe umenye, une akabalilo kōsa nītíke, Simoni, ukuti une nābagíle ukunkēta Mesiya. Abāndu bītu bandondesísye Umwene ukufuma mu Edeni. Kangi uswe tusisimikísye ukuti Umwene ikwisa, kali ikylene kikuya kitali bulebule. Ikyo kyāli ifyinja amaelifu mana ifi fikindilepo, ugwe kuyoba. Loli une ngwitika ukuti Mesiya ikwisága. Kangi unJuda aligwesa ítíke ukuti



umwēne ikumbonága u Mesiya mu ngulilo yáke. Une ngusúbila ukumbona Umwene mu ngulilo yāngu. Lōli icyēne kikuboneka ngati, une ngufikapo ukuya nkāngále lilino, une ngufimbilisígwa ukwímika u sūmbi, kangi nguya ni fyākwīpilika nu bubábe, une lumo ndikwisa kumbonamo Umwene nkabalilo kāngu. Lōli lumo ugwe kwisakumbona, mwanangu.

<sup>39</sup> “Polelo une ngulonda akukumanyisya ugwe m’Māsímbo. Mwanangu, bo u Mesiya akāli ukuboneka pa buyo, pisakuyapo u luko lōsa ulwa findu fikubōmbígwa, u lúko lōsa lwa findu ifisyobi, panongwa yakuti Sētáno isakubombága ikyo, ukōnánga ubusōngi bwa Mesiya ugwanalolili akabalilo kāko Umwene ikwisa.” Ikyene kyo akabalilo kōsa kyāli mu njila yila; nalino kili lūlo.

<sup>40</sup> Kangi polelo uswe tukwaga, umwene alinkuti, “Une ngukumbuka umwene ikubika ulukōngi lwāke ukusyungutula une, alinkuti, ‘Mwanangu, yilipo injila yimoyene iyi ugwe kwisakundingania u Mesiya yula. Lilino uswe twafuma pakuya na bamia ba fyinja kisita nsolóli. Malaki āli nsolóli gwābumalikisyo. Ikyo kifumile ukuya ifyinja ba mia bana ifi fikindilepo, uswe tukāli nágwe nayumo u nsolóli. Loli kumbukilaga, Mōse ātubūlile uswe, mu Māsímbo, ukuti, akabalilo kako Mesiya ikwisa, Umwene abagile ukuyaga nsololi, akabalilo kāko Umwene āfyūkile pa buyo. Uswe twe baYuda tumanyisígwe ukwitika u nsolóli. Kangi injila ya Mesiya pa kisu yo Lisyu iliyobígwe lya Kyāla, ili Umwene afingile kwa uswe. Kangi i Lisyu akabalilo kōsa likwisa kwa nsolóli, kangi u nsolóli ikusisimikisya i Lisyu lila. Komma ugwe siku ukwibwāmo ikyo, mwanangu! Lumo pabagile ukuyabpo ifindu ifikulumba ukufyūka, lumo pabagile ukuyapo ifyākunyenemusa fikulumba kangi—kangi ifindu ifikulumba. Loli kumbukilaga, u Mesiya isakuyaga nsólóli, panongwa yakuti uswe tumenye ukuti Kyala atikwandulamo siku injila Yāke, kangi Umwene āyobile ukuti Mesiya isakuyaga nsólóli. Popāpo kumbukilaga, mwanangu, abasolóli bo bala aba bikuya ni Lisyu lya Ntwa. Kangi akabalilo kako Mesiya ikwisa, Umwene isakuyaga nsólóli.

<sup>41</sup> “Une ngāli mbagile ukwīpilika ulukōngi lwāke,” alinkuyoba Simoni, “bo umwene ikubika ulwene ukusyungutūla une. Kangi Andrea ālīmīle pala ikusuka ulwēlo, pa kabalilo kāla. Ugwe kukumbukila icyēne, Andrea?”

“Ena, Simoni, une—une ngukumbukila ikyene.”

<sup>42</sup> “Kangi Andrea ikugela ukumbula une ukuti u Yohani uyu āli nsólóli. Une nāli ni findu ifingi ifyakubōmba, nāfimbilisigwāga ukūlisya iswi ni findu. Popāpo tāta afwile ku fyinja, lōli une akabalilo kōsa nkikyūngile kila pa linogonelo lyāngu; bāba alinkuti, ‘U Mesiya uyu isakuyaga nsólóli undinganisígwe naMasimbo, kangi komma ukwibwa icyēne, panongwa yakuti

ilyene lyo Lisyu iliyobígwe lya Kyala. Kangi i Lisyu lila lyo kingingi akabalilo kōsa lisile ku basolóli; aba bākilingénie ikyéne, pamo bānāngísye iki kyāfingilígwe ku ngulilo yila.”

<sup>43</sup> Kangi lilino Simoni, “Ilisiku limo,” alinkuti, umwene alinkuti, “ugwe umenye, Andrea alinsūmíle une ukubūka ku lukomano lumu. Kangi une nāsulwíke pāsi kula ku lukomano kūko u Mwinitu uyu, Yeso, āli. Kangi une nāpílíke u luko lōsa lwa ndetési. Ālipo yumo u Yeso ātupwíke, bo Umwene akāli, uyu āfīngíle ukuya ikindukimo ikikulumba kimo, alinkubalōngolēla abāndu bamia bana kangi abēne bōsa balinkupyūtígwa, na fyōsa bo ifyo. Une ninogonāga ikyéne kyāli itolo ikingi kimo kya ifyēne ifya luko lula, nu luko lumu lwa lunyenemusyo ulukulumba ulwa luyigo lumu, pamo ikipanga-kipāgúke ikikulumba kimo abēne bayaga pakutendeka. Loli ilisiku limo une ndikwinogona ukuti une mbuke panja na Andrea apa, unnuguna gwangu.”

<sup>44</sup> Kangi une mbagíle ukwinogonela, kifuki akabalilo kāla, ubwāto bulinkwānda ukuyuganisígwa. Yumo alinkwanda ukulata, kangi umwene alinkuti, “Itugasya pāsi! Komma ukuyūgānia ubwāto. Gūlila i miniti. Itūgāsya kimyemye.”

<sup>45</sup> Kangi umwene alinkuti, “Umwe mumenye, akabalilo kako une nābukile kula nukusegelēla nkisyo kya Mwene, akabalilo kākwanāda, Umwene alinkukēta itolo kwa une nkisige nukumbúla une iyi ingamu yāngu yāli. Umwēne akālimbwenémo une siku pabutasi. Umwēne akālimménye itolo mma, lōli Umwēne āliménye utāta gwāngu unnyakyāla unkāngāle yula, uyu ālimmanyísye une m’Māsímbo. Kangi une nāménye ukuti Yula āli Mesiya. Kila kyamasísye ikyéne kuli une, palapala pala. Kila kyāli. Kila kyātendíke ikyéne ukuya kanunu, kwa une.”

<sup>46</sup> Ābagíle ukuya Filipu alinkuti, “Ngimba une mbagile ukuyobapo ilisyu apa?” Lilino umwene alinkuti, “Nkundwe Natanieli, unko iki kingakufulasyaga ugwe; panongwa yakuti, uswe twāfundíle ifinienga ku fyinja ni fyinja, iki Mesiya ikuyaga. Lōli akabali kāko une nālimbwéne Umwene ikubōmba kila, une ndikunyamuka nukumwega umwinangu apa, Nataniele. Kangi akabalilo kāko umwene ikwisa pala . . .”

Nataniele alinkuti, “Unko une mbabule ikylene. Unko une mbabule ikylene.”

<sup>47</sup> O, umwe mumenye, kilipo ikindukimo ikya kabalilo kāko Yeso abōmbíle ikindukimo kuli ugwe, ugwe—ugwe itolo ukubagíla kifuki ukwíma kimyemye, ugwe kufimbilisígwa ukuyōba ikyéne, gwímwéne. Ngimba isyo ndalusye? Linga ikylene kyabwanaloli, ugwe kufimbilisígwa itolo ukuyoba ikylene. Akabalilo kako Umwene ālinyusísye na Mbepo Mwikemo, une ngulonda ukuyoba isya ikylene. Une ngulonda umunduyumo ukumanya isya ikylene. Komma umunduyumo uyungí ayobege ikylene; une ngulonda ukuyoba ikylene, nimwene.

48 Kangi une itolo ngwinogonela, Natanieli alinkuya na maka gōsa kangi alinkuti, “Umwe mumenye, une ngulōnda ukuyoba iki. Une nāli panini mwilāmwe gwa ugwe, Filipu, akabalilo kāko ugwe gwālimbūlile une. Une nakulālusīsyē ugwe, ‘Ngimba kubagīle ukusōkāko kamo akanunu ukufuma ku Nazareti?’ Kangi ugwe gwālimbéle i lyāmúlo ilinunu ilikinde ili u mūndu alimo nalyo siku, ‘Gweisa kangi usakēte.’” Kila kikubōmba kubununu umwīsyūgu. Uko ko kutalusya. Komma ukusyāla ku kāya nukulōndésya-busōbi. Gweisa, kyagania pa gwimwene, muketile. “Alinkuti, ‘Ngimba kubagīle ukusōkāmo akanunu ukufuma ku Nazareti?’ Alinkuti, ‘Gweisa nukwīkētēla gwimwene.’ Kangi ugwe umenye iki ugwe gwālimbūlile une.

49 “Kangi akabalilo kako une nāsegelele mu Kuyapo Kwake, kangi Umwene ālimbulile une ukuti une nāli ‘u—u n’Hiburi, u mw’Israeli, kangi nāli nnyambala ugwanaloli-ndumbula,’ une nāmenye ikyo.

50 “Lōli une nāsweigāga, ‘Ngimba ikylene kikuyāga bulebule?’ Umwene ābonekāga ngati nnyāmbāla aligwesa. Une nāgūlilāga u Mesiya ukwīsa ukusuluka amasulukilo gagolidi ukufuma ku Mwanya, kulakula ku ntu gwa kipanga-kipāgūke iki, ku Yerusalemu, ukwenda panja nukuyōba, ‘Kaifa, Une mfikile.’ Lōli abēne bikusyāgānia, Umwene ikufumila ku Nazareti, ukufuma ku kikolo ikipīna; kangi naloliloli u luko lwa ngamu inditu kunyuma kwa Mwēne, ukuya ‘mwāna unsigwāna.’ Apa Umwēne ālimīle, afwēle imyēnda igyaitolo, komma ngati mpūti pamo umunduyumo; itolo u nnyambala gwaitolo. Kangi une ndinkwinogona, akabalilo kako une ngwenda ukufyuka kula, ‘Ngimba kibagīle ukuya bulebule Mesiya kila? Afwēle umwenda gumogwēne unkūlu, Umwene āfwēle ukufuma pāpo Umwene āli mwinitu nkeke, kangi apa afwēle umwenda gulagula; kangi inywili Syake sisulwike pāsi ku nyuma Yake. Kangi bo nnyambala gwaitolo gwa lukindi.

51 “Kangi Umwene alinkungeta une nkisyo, kangi alinkuti, ‘Bo Filipu akāli nukukukolela ugwe akabalilo kako ugwe gwāli pasi pa mpiki, Une nākubwēne ugwe.’ Kila kyamasīsyē ikyēne kwa une. Une nāmēnye, ukwisila mu Lisyu, yula āli Mesiya. Yula āli yo Umwene.”

52 Kangi u bwāto bwābagīle ukwīyugānia, kangi u lukomano lwa bukēti bwākindililāga. O, ko kabalilo kanunu kaki abēne bayaga nako, panja pa sūmbi pala, itolo ukuya na kabalilo akakulumba.

53 Andrea alinkuti, “Une ngulōnda njobe ikindukimo iki mu luko kyālinyālangēnie une pa kabalilo kanini. Ugwe kukumbukila akabalilo kāko uswe—uswe twasulukaga ukubuka ku Yeriko? Umwene alinkuti, ‘Uswe tukufimbilisigwa ukufyuka; Une mfumbilwe ukubuka ukwīsila Samaria.’ Popāpo, Umwene alinkfyuka ukubuka ku Samaria kangi kula ku kāya ka Sychar,

akabalilo kāko Umwēne ātutumile twesa ukwakūla ifyākulya kula nkāya.”

<sup>54</sup> “O, ena, une kumbukilaga, kanunu!” Bosa ba abene, “Ena, ena!” Ubwāto itolo bulinkwiyugānia, aligwesa ali nu bukēte ubuswigisye ukufuma pāpo ulusasanio lwāmālīke. Popāpo abēne bāyāga nu lukomano lwa bukēti ulu.

<sup>55</sup> Kangi umwene alinkuti, “Ena, kangi ugwe kukumbukila uswe tulinkwingilila pala, kangi, ku buswigo bwitu, uswe twālimbwēne u Fundi gwitu ikuyobesania nu ndogwe. ‘Uu-huu,’ uswe twālinogwīne, ‘ikyo kyo kibibi. Nkēta Umwene panja pala ikuyoba ku nkikūlu unkeke uyu. Kangi ātutumile uswe ukusōkāpo, kangi apa Umwēne ali panja apa nu nkikūlu u mfumuke-bubibi uyu itugēsye apa.’ Kumbukilāga, uswe twālimile itolo kunyuma ndusingi, kangi uswe tulinkupilikisya ku buyobesania bwābo.

<sup>56</sup> “Kangi uswe twālimpilike Umwene ikuyoba ku mwene, ‘Nkikūlu, būka kammwēge undumego nukwisa kuno.’

<sup>57</sup> “Kangi uswe tulinkuti, ‘Ena, uswe twābagile ukuya basōbi, lumu u nkikūlu itolo mbwanaloli āli mwēgi.’

<sup>58</sup> “Kangi umwene ālinkētīle Umwene ku kisyo kyāke, kangi alinkuti, ‘Nkulumba, une ngānāyo u ndume.’

<sup>59</sup> “Umwe mukukumbukila mūmo indumbula syitu syamalīke? ‘U Mesiya unkulumba uyu uswe twālimo nu lusūbilo, apa ākōlīgwe mbusyōbi, maso-na-maso, ’nongwa yakuti Umwe āyobīle, “būka kamwēge undumego,” kangi umwēne ābīkīle ubukēti ukugomola ukuti umwēne akāli nayo undume mma. Lilino ikyēne kigomokīle nu moto ku Mwēne.’ Kumbukilaga mūmo twēsa twābonīke baswigisīgwe, kangi umuyi gwasōkilēmo mwa uswe?”

“Ena, une ngukumbuka ikylene.”

<sup>60</sup> “Kangi polelo umwe mukukumbukila amasyu amakōnge? Umwene alinkuti, ‘Ugwe uyobīle u bwanaloli, panongwa yakuti ugwe gwāli nabo bahano, kangi uyu ugwe kwitugasya nagwe lilino akaya gwāko.’ O, umwe mukukumbukila u lukomano lwa bukēti kunyuma kwa lusingi? Mwe!” Muketile, ugwe ukagabile ukumbika Umwēne pa nguto. Umwene yo Kyāla. “O,” Simoni alinkuyoba, “ikyo itolo...” Andrea alinkuyoba, “Kila kyāmasīsye ikyēne kwa une.”

<sup>61</sup> Bartulumeo alinkuyoba, “Gūlīla, une ngulōnda ukubīkāpo ubukēti. Ngimba une mbagile ukubomba ikyēne, bakundwe?”

<sup>62</sup> “O, ena, une ngusakikisya ugwe ubagile, uswe tuli na kabalilo kākingi. Umwēne akāli akisa mpaka na lino, popāpo uswe tukufigaga panini itolo. Kindililāga Bartulumeo, ugwe bīk’ubukēti.”

63 “Ena, kimo mwa findu ifikulumba ukukinda kwa une, umwe mukukumbukila ulilumbu gwitu pāsi mu Yeriko, ingamu yāke Rebeka?”

“Ena.”

“Kangi undume endesyāga ubuyo bwakulila pāsi pala.”

“Uu-huu.”

64 “Kangi—kangi umwene āli gwa biashara, kangi ingamu yāke āli Sakai.”

“Ena, ena, une ngunkumbuka umwene kanunu.”

65 “Umwe mukukumbuka, umwene āli—umwene āli yumo gwa ilumbu bītu. Umwēne ālitike pa Ntwa, kangi umwēne āli nu lutende ukuti Sakai ukukilekaga ikylene kinkinde kisita kwitikisya Yeso. Kangi, o, Sakai āli nnine nnunu fiyo gwa mpūti kula. Kangi popāpo umwēne iputāga ukuti ikindukimo kikubonekaga ukuti amaso gāke gikwīgukāga, kangi umwēne isakusyaganiaga ukuti uyu āli yo Fundi, iki kyāli kyo Lisyu lya Kyāla ilisisimikisigwe, lipēligwe mbili pakati pītu. Kangi uswe twāgelile ukumbula umwene. . . ukumbula umwene ukufwana na mūmo fikuti Yeso gwa Nazareti āménye isyakubutītu sya ndumbula, ukunāngisya ukuti Umwene āli Kyāla, ’nongwa yakuti i Lisyu likumanya inyinogono sya mu ndumbula.

66 “‘Butoyofu,’ umwene alinkuyoba, ‘Une ngwitika u mpūti. Iki u mpūti ikuyoba kyo kinunu kifwene kwa une.’ Panongwa yakuti umwēne ālingile ku fyōsa i—imbātiko sya nkāya kala, aba Kiwanis na filifyosa ifingi, umwe mumenye, popāpo umwene. . . luko lwa kikafu kuli umwene ukukileka ikyēne pāsi. Popāpo Rebeka ātusūmile twesa uswe ukwīpūta—ukwīpūta. Kangi akabalilo kōsa uswe twafikaga pa kimanyisyo ukuti Umwēne āli nsōlōli, umwene āyobāga, ‘Butoyofu! U mpūti ikuti, ‘Umwene yo Belezababu. Umwene ali yo mōhēsi. Umwene ikubomba ikyo na maka ga mōhēsi. Kangi Umwēne yo itolo mfunda-minogonombulosi. Isyo syene silipo ku kyēne. Kikayapo nakimo ku kyēne.’ Popāpo kikayako nakimo ikindu bo iki mulisiku ili; uswe tukāli nabo abasōlōli ku fyinga ba mia bingi. Kangi ngimba abagile bulebule u Miana yula, nukuya ni likadi lya bulilanisi mma, ābagile bulebule Umwēne ukuyamo siku nsōlōli? O, ni njila nayimo ukuti Umwene āli kindu bo ikyo!

67 “Loli, umwe mumenye, Rebekah alinkūmilīsyā ukukōlelēla, unkasi gwake, kangi ikwīpūta. Kangi ulubunju lumo akabalilo kako Yeso ikwisa nkāya, ena, polelo uswe tukusyāgānia ukuti, Rebeka ātubūlile uswe ukuti Sakai ābūkile panja ku—ku lukindi, ukunkēta Umwēne. Popāpo umwēne akītikāga mma ukuti Umwēne āli nsōlōli, popāpo umwene alinkuti, ‘Une itolo ngunkētesyāga kanunu Umwēne,’ mūmo umwene āyobīle kwa uswe kubulilo ilisiku ilingi akabalilo kāko uswe twālyāga. Popāpo umwene alinkufyuka mu mpiki gwa nkuyu, kangi alinkuti, ‘Ugwe umenye fiki, une ngwifisaga itolo nimwene

pamwanya apa ukuti Umwene ikutoligwaga ukumbona une. Une ne mündu unnini, mulimosa, mpimba fiyo. Kangi une ngabagila ukumbona Umwene pāsi pala, nkilundilo, popāpo une itolo ngufyukaga mmwanya apa mu mpiki.’ Kangi umwene alinkufika kũko isamba ibili—ibili syāganāga, kangi pala umwene alinkwitugasya, pa samba isi.”

<sup>68</sup> Apo po itolo buyo bununu ukwītūgāsya pāsi nukufunda ikyene mōsa. Apo po pāpo injila sibili sikwāgāna, iyako na ya Kyāla; ifundu syāko. Ikyo kyo kindu kinunu, ukwinogona ikyene mōsa.

<sup>69</sup> “Polelo umwene alinkuti, ‘Umwe mumenye iki, Umwene abagile ukuya nsololi. Umwēne abagile ukuya. Ikyēne kyabagile ukuya ukuti une nāli nsōbi. Popāpo une ngukubula fiki, une ngukētésyāga Umwēne; kangi Umwēne atisakummanya une. Popāpo une ngwegaga itolo amāni gōsa nukugakwābila agēne nkati bo ulu, ukusyungutila une, kangi une ngwikingaga nimwene ukuti Umwene atisa nukumbōna une na panandi. Kangi une ngunkētésyāga Umwene akabalilo kāko Umwene ikukīsānia. Kangi linga Umwene atikubōnēka bo uluko ulutālúsye ulwa mundu, une ngumpāga Umwene akayabo ka linogono lyāngu, bo nīkéle nkati muno nkipiki.’ Popāpo umwene alinkukētésya, kangi āli ni lyāni ukuti umwene ābagile ukukupula mmwanya nukunkēta Umwēne akabalilo kāko Umwene ikwisa ukusyungutila i nguto.

<sup>70</sup> “Kangi akabalilo kāko Umwēne ikusyungutila pa nguto, ikwēnda ukusuluka ulukindi, umwe mumenye, ukukēta ukufuma ku lubafu lumu ukubūku ku lūngi, kangi abafūndígwa bikuyoba, ‘Ima kulubafu. Nswaga une.’ Kangi abāndu na bāna ababine ni findu. ‘Nswaga une, Fundi akatele fiyo; ulukomano ulukulumba lula ikilo ikyamayolo.’ Kangi, nubunyāmbāla, ‘Ngimba umwe twālamba ima palubafu nukummwitikisya Umwene akinde, akabalilo kāko Umwene ikutendeka injila Yāke pāsi pa kāya, kangi ngimba muli imaga itolo palubafu twālamba?’ Kangi Sakai itūgésye mmwanya apa mu mpiki, ikikukēta pāsi ku Mwēne.

<sup>71</sup> “Kangi Yeso ikwisa itolo ukutalula pāsi pa mpiki, ikwīma, ikukēta mmwanya kangi alinkuti, ‘Sakai, suluka pāsi ukufuma umo. Une ngubūka ku kāya na ugwe umwisyūgu, tukalyémo.’ Kila kyāmasísye ikyene kwa une. Umwene āménye umwēne āli mmwanya mula, kangi āménye i ngamu yāke, iki umwēne āli. Kila kyāmasísye ikyēne. Uyo yo Mesiya, kwa une. Ena, nkulumba. Panongwa yakuti, uswe tumenye Mesiya yula āyāga pakubōmbo ikyo. Naloliloli. Polelo Umwene āfimbilisigwāga ukubūka ku kāya nu mwēne, āyobíle, ilisiku lila panongwa ya kufyākula. Ko kabalilo akakulumba kaki akēne kāli! Uswe tukukumbukila akēne.”

<sup>72</sup> Umwe mumenye, akēne kābagile ukuya kifuki akabalilo

kāla, ulukomano lwa bukéti lwakindililága. Umwe mumenye, abafundígwa aba panja pala pa sūmbi, bikubīka ubukéti, ukwēne kwabagīle ukuya mbutītu bwa kilo pabuyobumo, kumwanywa ku fisu fya kululu kula, ukuti Sétano ābagīle ukuti ālyëndīleko kula kumwanya kwa kām̄ba kangī ākētīle pāsi. Umwene ākētīle mu lukomano lwa bukéti bula, kangī umwene āsyāgénie ukuti abēne bābūkīle panja kisita Umwēne. Pala lwālīpo u lusako lwāke.

<sup>73</sup> Muketile, une ngwinogona ukuti ububonekelo bula bo itolo bugomokīle kangī kifuki, bwīyāndīsye kāngi bwēne. Abēne bāli, mbunyenyemusyo bwa luyigo, abēne bāsōkilépo kisita Umwēne. Kangī une ngwitika ukuti ikyo kyo kingi kyo iki kibonīke kwa uswe umwīsyūgu, ukuti, mu sala iyi ya kwalangania, kangī ukufuma pa luyigo ulukulumba ulu lūlo uswe tukētīle. Ulwēne lupyāgīle ukusyungutīla i kīsu kyapāsi. Ikikolo kilikyōsa kyāli nī myoto gya luyigo gibūmbīgwe, kangī gīkwāka; ingomano sya bubumbulusyo ingulumba; abāndu ukwambilila Mbepo Mwikemo, na makalongo ga maelifu ukwandisya na maelifu. Kangī mbunyenyemusye bwa ulwēne, ngati bala abafundígwa ukubīkīla ubukéti iki Umwene abōmbīle, “kangī, o, uswe tumbwēne Umwene ikubōmba *iki*, kangī uswe tumbwēne Umwene ikubomba *kila*,” une ngwitika uswe tusōkīle panja bo abēne, kisita Umwēne.

<sup>74</sup> Uswe tubūkīle panja pa sako inywamu ingulumba isi—isi uluyigo lupēle. Uswe tubūkīle panja pa sako isya kutendeka i hela nyingi, ifipanga, ukuyēnga imiyumba imikulumbapo, imikulumba iminywamu imibuyo gwamamiliyoni-ga-madola, amasukulu amakulumba, imbātīko syabumanyi, kangī ukutendeka ikipanga-kipāgūke kyītu kikule. Kangī polelo ukuya nī mbātīko sya kikomyunisti kyītu, ukulwana nī kikomyunisti, ikyo kyo kyōsa iki uswe tukuyobapo umwīsyūgu. Kangī ikindu kyākwānda umwe mumenye, Sétano atubwēne uswe pa mbātīko syītu isya kulwana-ni-kikomyunisti, pa mbātīko syītu inywamu isya fipanga-fipāgūke, kangī pa gwītu “miliyoni ukongelelāpo,” na fyōsa bo ifyo, mūmo abēne bafīkilépo.

<sup>75</sup> Kangī uswe tusōkīle panja kisita ingomano sya nyipūto isyakabalilo-kaiyolo nu lōsyo lwa Mbepo Mwikemo ukugomokela, mpaka u moto gwākīle pāsi. Ugwe ukabagīla ukukūta panja, nukugela ukubatwāla abāndu ku kīgemo, kangī abēne bikwēnda itolo mmwanya ngati abēne bāli kifuki bafwe, ikitiligwe ukwisa. Kangī ukusuma ababōmbi ukwisa ukwīpūta na bēne, “O, ngimba umwene ānsūmāga une panongwa ya fiki?” Kangī abēne bikufika pāsi pala, kangī ugwe ukabagīla nubukafu ukubāga abēne. Kangī abēne bisakwīma pala itolo pa maminiti manini, ukukukēta kwa ugwe, nukogomokela nukwākwitūgāsya mfikota fyābo. Kwa une, umoto gukindilemo! Ikindukimo kyabonike. Pilikisya! Iki uswe tufūmbīlwe lo luyigo, ulu

abatulwanongwa, ukukēta pa Kristi, bikupīndūka, bikubōpēla ku kigemo na maboko gābo mmwanya, ukukūtīla i kisa, kangi ikipanga kyōsa kyo lulāpi lwa moto, nu lwīmīko lwa Kyāla.

<sup>76</sup> Ulunyenemusyo lwītu panongwa ya lusako ukutendeka ifipanga-fipāgūke fyītu fikūle, uswe tuyēngile amasukulu amanywamupo ukumanyisya abalumbilili, nukubatuma abēne kubutalipo ukufuma kwa Kyāla ukukinda mūmo abēne bāli ku bwandilo. Kyala atikumanyigwa munjila ya bumanyili mma. Umwene atikumanyigwa nu bufunda-kyāla mma. Kyala yo amanyīgwe nu lwitiko. Ugwe ukabagila ukulingania Kyala. Umwene yo nkinda kulinganisīgwa.

<sup>77</sup> Kēta iki ikyēne kibōmbīle, uswe bāndu ba kiPentekosti twe twāli ba kipentekosti. Abakikulu bitu batumwīle inywili syābo, ukupakapaka ifyakwiyandula. Abanyāmbāla bītu bikwītīkīsyā ikyēne. Abalumbilili bītu bikwītīkīsyā ikyēne. Abēne bikutīla ukuyōba ikindukimo isya ikyēne. Ikipanga kisakukagaga abēne panja linga abēne bikubōmba. O, linga uswe tutikulōndīgwa ukupyāgīla kwa nnyumba, ukufuma ku kigemo mpaka ku kipālo. Ikyēne kyo kikosya-soni. Ikyēne kyo kyākuywēlūla.

<sup>78</sup> U nnyāmbāla yumo ikwisa kwa une, pakaya patali mma, nukuti, “Nkundwe Branham, abāndu bakuganīle ugwe.” Lōli alinkuti, “Ugwe akabalilo kōsa kubakemela abēne pōsa, ukukēmela abakīkūlu bala, isya kuya ni nywīli imbimba ni findu bo ifyo.”

Une ndinkuti, “Ili Bāngēli lyāyobīle ikyēne kyāli kyākuywēlūla kuli umwene ukuya ni syēne.”

<sup>79</sup> Umwene ikuywēlūla undume gwāke akabalilo kāko umwēne ikubōmba ikyēne. Kangi ikyēne kyo naloliloli kimanyilo ukuti ugwe usōkilēko kwa Kyāla. Kumbukilāga, mu nongwa ya Samsoni, inywīli indāli kyāli kimanyilo kya kiNaziri ukuti umwēne āsōkilēko ku kīsu, ukubūka ku Lisyu lya Kyāla. Kangi akabalilo kāko ugwe kutumulako inywīli syīnu, bakīkūlu, umwe mukupīka ikimanyilo kyīnu kya kiNaziri. Umwe mubūkīle ku Hollywood mbuyo bwa kugomokēla ku i Bāngēli. Ili Bāngēli lyāyobīle, “Unko abēne bayega basita-kusēngīgwa.” Muketile, ikyēne kyo soni, kangi ababōmbi batikuyobāpo nakimo isya ikyēne.

<sup>80</sup> Unnyāmbāla uyu āyobīle kwa une, “Nongwa ya fiki ugwe utikubaleka abakīkūlu bala pabēne?” Alinkuti, “Abēne bikukwēga ugwe ukuya nsolōli.”

Une ndinkuti, “Une ngāyobilēmo siku ukuti une ndi nsololi.”

<sup>81</sup> Alinkuti, “Abēne bikukwēga ugwe ngati ikyo. Bamanyisya abēne akāmbilīlo ka fikungilwa fyamwambepo nukubōmba ikindukimo. Ugwe ubagīle ukubamanyisya abēne ifindu ifinywāmu, ifindu ifikulumba.”



<sup>82</sup> Une ndinkuti, “Une ngubamanyisyaga bulebule abene i aljebra akabalilo kâko abêne batisa nukumanyila aba ABC bâbo, akikalilo mbwifyûsi isya icyêne? Ngima ugwe kubômbelâga bulebule icyêne? Ena, bûka pâsi ku kîndu ikyâkwânda.”

<sup>83</sup> Ikyinja ukufuma ku kyînja, ukukilania ikîsu, kangi icyêne kikufika ukuya kinyalipo akabalilo kôsa. Kilipo ikindukimo kitamisyé pa buyoyumo, icyêne kikaya ni Lisyu. Kisita kuswiga uswe tukutolígwa ukuya ni myoto gya luyigo gikwâka. Uswe tukufûmbwa akabalilo kakupyâgîla inyumba. Kyâla atisakubômbâmo siku ikyo mpaka uswe tugomokele kangi. Uswe tukufûmbwa akabalilo kâkupyâgîla inyumba.

<sup>84</sup> Kangi ugwe nnyâmbâla, ugwe kundeka unkasigo ukubômba i kîndu bo ikyo, ukufwala akabundu! Abêne bakaya baMethodisti, baBaptisti. Abo bo baPentekosti, uko ko kutalusya, “ububoneke bwa bunyakyâla, Ngulilo ya Kipanga kya Laodikiya, ikulûngûle,” Pentekosti pa ngamu, po pene itolo. Pentekosti yikaya ngamu mma, ubwene bo bwendelêmo bwa lôsyo lwa Mbepo Mwikêmo, uyu ikusuka abându môsa. Kisita kuswîga uswe tukutoligwa ukuya nu bubômbelo bwabubumbulussyo ubukulumba ni findu, kilipo ikindukimo kyâtamisyé pabuyobumo. Ikyêne yo Sétâno, âtubwêne uswe panja tukugêla uku . . .

<sup>85</sup> “Ena, uswe tukuyoba kilikyôsa kya icyêne, abêne bisakusanuka ubwakipanga kyâbo.”

<sup>86</sup> Kumbukilâga, ugwe utikupepeka a Bakristi. A Bakristi bakafu. Abêne bo banyâmbâla na bakîkûlu ba Kyâla, aba bikwîmila Kyâla, kisita kupâsya iki aligwesa uyungi abagîle ukuyoba. Ugwe utikufimbilisígwa ukubasuma abêne nukubapepeka abêne, nukubapaka ulûma abêne nukubapagata abene môsa. Ifyo fyo fya pa nâsâle, ifimela ififulugania, icyêne kikaya kinunu napanandi, abêne batisakutwalâmo siku nakimo.

<sup>87</sup> Kikûngumbûsya une, ukuya bo . . . Akêne lululu kikuyaga kabalilo ka kuluka fifûfûmbwa. Une ngêtesisyé utuyuni utunini umwisyugu, ukukilania kula, abatûndûlu abanini bikupîmba îlyûndu ukubûka mfifûfûmbwa fyâbo. Akêne katikuyaga kabalilo akatali pâpo utwêne tukuyêngâga ififûfûmbwa, ukutêndêka utufûmbi twâbo utunini ukupânja. Umwe mumenye, akayuni akanini kabagîle ukuya nifikifûfûmbwa kya mafûmbi, kangi akêne kabagîle ukwitûgâsya pa kifûfûmbwa kya mafûmbi kila, kangi akêne kikugasanussyâ agêne amaminiti manini galigôsa; kakwêga utulundi twâke utunini nukugasanussyâ agêne, nukwitugâsya pala. Lilino, linga umwêne ikugaleka amafûmbi gala ukuya matalalifu, ukufuma pâpo agêne malûngûfu akabalilo kâmo, agêne gatisakupanja mma. Kangi umwêne itolo ikupululuka nukwâkwêga ifyâkyûlya ikisûl’undumo nukugomokêla itolo pa gêne kangi.

<sup>88</sup> Kangi umwe mumēnye, injuni māma iyaiyolo yila, umwēne abagīle ukwītugāsya pala pa mafūmbi gala, nukugasanusya agēne amaminiti mabili galigōsa, kangi komma...na kōpe ukwīyīpa nu kusitakulya mpaka umwene ikuya ndondo fiyo umwēne ikutoligwa ukusōkāpo pa kifūfūmbwa. Lōli penepāpo, polelo, injuni māma yila yāgēne ni njuni nnyāmbāla, amafūmbi gala gatisakupānja. Kali kyo kiliku, mūmo ugwe kūbatīla agēne, agēne gatisakupānja. Agēne gikwītugasyāga mulamula nkifūfūmbwa nukubola.

<sup>89</sup> Kangi linga kālīmo siku akabalilo akākūti Pentekosti ikufimbilisigwa ukufika palikimo nu Nnine, Yeso Kristi; 'nongwa yakuti uswe tutikwagamo nakamo lōli ikifūfūmbwa kīswile na mafūmbi amabole, bikupīka u Lwītīko, bikubūka mu Lukomano lwa Fipanga-fyōsa, nukukikōlēla ikyene findu fikulumba, ukwītugāsya kifuki na pāpa, nukuti “ikyēne kyo kyāmwambepo.” Ngimba kitamisye fiki ni kīsu, umwe bāndu ba kiPentekosti? Ngimba umwe mukamanya i Bāngēli lyāyobīle ifindu fila fisakubonekaga? Kangi uswe tukuywega panongwa yakuti aba baMethodisti kangi baBaptisti bikwingila, kangi polelo fyosa ifindu ifingi bo ifyo. Ngimba umwe mutikusyāgānia ukuti akabalilo kāko abafūnde abātūlo bikwīsa ukūla Mafuta, yila yāli yo sala yilayila u Mwegi ālīsīle? Kangi abēne bakāgāgīle a Mafuta! Umwe mumenye, u Kanyakiligwa kwisakwīsa mbutītū fīyo, kangi nukusōkāpo, utubalilo tumo, umwe mutisa nukumanya ikyene kikubōmbīgwa. Ukwene kwisa kuti kukindile, kangi umwene mwisakuswīga iki kyābōmbīgwe.

<sup>90</sup> Bo Yohani ālīsīle pa kisu. Kangi abēne balinkuti ku Mwēne, balinkuti, “Ena, i Bāngēli lyāyobīle, Eliya ikufimbilisigwa ukwisa tāsi.” Umwene alinkuti, “Umwene atalile isīle, kangi umwe mukāménye ikyēne.”

<sup>91</sup> Momūmo ikyēne kisakuyaga, ilisiku limo, abēne bisakuyobaga, “Une ninogonaga iki kyāyaga pakuboneka bo kakāli a kabalilo ka Butolwe. Une ninogonaga u Kanyakiligwa kyāyaga ukuboneka pa buyo.” Amasyu gikugomokela kunyuma, “Ikyene kitalile kibonīke kangi umwe mukāménye ikyene.” Uu-huu. Ukwene kubagile ukuya kwīlīle ukukinda mūmo umwe mukwinogonēla. O, lembuka, kipanga! Ye kinunupo nkileke ikyo; une ngisako siku kuno panongwa ya kimanyisyo, une itolo ninogonaga une ngutikaga kila nkati itolo ukuti umwe mwābagīle ukuya nakyo kila pa lubafu.

<sup>92</sup> Kumbukilaga, nkundwe, Setano asikētīle i mbatiko inywāmu isi, ikipinga kimo kikugela ukukitola ikipinga ikingi, ikipinga-kipāgūke kimo ukugela ukukitola ikingi, ukwīpilamo mosa ubusīta kumanyila nukufimbilisigwa ukubapa abēne ingelo sya bufunda-minogono, ukuya nu mfunda-minogono ukungela u nnyāmbāla bo umwene akāli akabūka mmigunda. Pentekosti! Umma, abo—abo—abo bakaya ba Presbeteri mma, abo bo baPentekosti. Ulugelo lwa bufunda-minogono

lukulondigwa ulwa kibugutila kimo kwa baPentekosti, ikibugutila ikikulumba, bo abatumigwa babagile ukwega ukubuka panja.

<sup>93</sup> Bule linga abene bāli nu lugelo bo ulu? Abene bēgile u lugelo. Ulwene lwāli lugelo lwapentekosti ku bwāndilo, akabalilo kāko abēne bāgūlile nkyumba ikyapamwanya mpaka pala pālisile u Moto ukufuma pa Mwanya, kangi a Maka ga Kyāla. Lula lwāli lugelo.

<sup>94</sup> Komma u mfunda-minogono yumo ugwankisu, anwīlémo-sinda imile pala ukugela ukutendeka i linogono, linga ugwe uli panini gwalutende, pamo ikindukimo, bikuti, “Ugwe gwe mōsa utoligwe.” Akabalilo kāko, ikyēne naloliloli kikusisimikisya ukuti u nnyāmbāla uyu yo nubumalikisyo gwamwambépo yo gwalutende, umwene ikufimbilisigwa ukuya mbwitūgāsye bula ukufika mu Kyēne. Popāpo mwaketa lelo umwe, muketile, kangi itolo ukōnānga iki Kyāla agelile ukubōmba ku fyinja fingi, nukugomokela pala ukusyungutila ni mbātiko syābo ni fyābo ifikulumba. . .

<sup>95</sup> Abene bikwīyūla akabalilo kāko abēne bikukēta ifilundilo fya bāndu bakomene palikimo. Bikuti, “Linga une nābagile ukubatendeka abēne bosa ukuya baAssemblies! Linga une nābagile ukubatendeka bosa bala baOneness! Linga une nābagile ukubatendeka bosa abene baMethodisti!” Aba Methodisti bikugela ukutendeka bosa abene ukuya baMethodisti, a baBaptisti bikugela ukutendeka bōsa ukuya baBaptisti, abaPentekosti bōsa ukuya baPentekosti! O, ugwe ukabagila ukubomba nakimo ikya ikyēne, Kyāla asūngwile bala ukufuma ku lwālo lwa kisu. Uswe tukufimbilisigwa ukulumbilila i Nongwainunu. Yo yene popāpo. Lōli, imbātiko syītu inywāmu, uswe tusōkilépo kisita Moto gula. Uswe tusōkilépo nukwītendekēla twībēne u moto untendekīgwe-kukāya, mūmo ikyēne kyāyobeligwāga.

<sup>96</sup> Kangi ikikomyunisti kyītu, lilino uswe tuli nulutende, ikikomyunisti kīngilémo nkati, “Ngimba kyo fiki kikubonekāga?” Lōli, umwe mumenye, ikindu ikikulumba kikaya kikomyunisti. Umwe unko une mbabūle umwe lilino, une ndikutīla ikikomyunisti.

<sup>97</sup> Loli kiliku iki une ngutila, umwe baPentekosti, ulu Ulukomano lwa Fipanga lo ulu lukwisa kukubēga umwe. Ikyo kyo kindu. Ikyēne kikubumbāga ubung’wale bwa kinyamana, kangi umwe mwisakufimbilisigwāga ukubūka mu kyēne. Panongwa yakuti umwe mwe kipanganio, umwe mukufimbilisigwa ukwingila pamo ukusōka panja. Ikyo kyo kindu, kangi u mūndu aligwesa unnunu, ugwamahala, ugwamwambepo amenye ikyo. Uswe tufumbilwe ubungi ubuketi bwa pamwanya-pa-sūmbi, uswe tukubwāga ubwene lilino. Kangi a baPentekosti bītu, itolo ukumila ikyēne,

imbēya, undisi, ni litēla, “Kyo kindu kikulumba kiki ikylene kisakuyaga!” Akabalilo kako, Methodisti, Presbeteri, gwaLuteri, ba kipanga kya Kristi, kang'i baPentekosti, umwe mwisakufimbilisigwa ukupika—ukupika ikimanyisyo kīnu ikikulumba ikyabutumigwa, ukuti muye nkati mula. Abēne bisakufimbilisigwa ukubōmba kilakila. Umwe mutisakuya nakyo nakimo ikyakubombapo pa kyēne. Ikyēne kyo kyōsa ukulungisania na Roma, itolo katikati iki kisisimikisigwe. I Lisimbo lyāyobīle lulo.

<sup>98</sup> Ngimba fyo fiki fitamīsyē na balūmbilīli aba bikwitikisya ifindu ifi fifikēge nkayilo aka, kisita kubasoka abāndu? Kyāla isakulālusyāga ku maboko gābo. Munomuno nkabalilo ka butolwe, abēne bāli mbutolwe, abēne bāli. Ikiomyunisti kitikwīngīla nkati; ikyēne kyo Lukomano bwa Fipanga kisakumīla ikipanga kyōsa. Kang'i kumbukilāga, akabalilo kāko umwe mukuyoba, “Kitisa...” Ikyēne kikuboneka, polelo ikyēne kisakuyaga kikābīle fiyo. Umwe mubōmbīle mwēgīle ubungw'āle bwa kinyamana. Umwe mwīngīle ku kyēne akabalilo kala.

<sup>99</sup> Ugwe kinunupo fikaga kūko ugwe ubagīle ukusōkāko ku kyēne lilino, ena, nkulumba, yaga mfungigwe mu Kitangalala kya Kyāla. U Mbili gwa Kristi go Mbili gwambutītu gwa Kristi, ugu gōsigwe nkati mu Kyēne ukwisila mwa Mbepo Mwikēmo; komma ukulungisigwa mu Kyēne, ukwēgigwa nkati mu Kyēne, ukuyoba mu Kyēne, ukuyoba-mu-ndimi nkati mwa Kyēne, ukuywega nkati kya Kyēne. Ugwe upāpigwe nkati mu Kyēne, ukwisila mwa Mbepo Mwikemo. Uko ko kotalusya. Naloliloli.

<sup>100</sup> Lilino uswe tukukētēsya ifindu ifi, ubutolwe bukwisapo nakalinga itolo. O, u mōhēsī alinkukēta pamwanya nukuti, “Uu-huu, abēne babūkīle mbupāgūke pa bukino, abēne bali itolo panja pala bikunyela-nyela, ukuywēga, ukuya na kabalilo akanywāmu. Umwe mumenye fiki, lululu ulu ko kabalilo kangu akakubamilisya abene. Une ngubapyanikisya abēne lilino.”

<sup>101</sup> Popāpo umwene alinkufyūka pamwanya pa kāmba nukwānda ukupūta umuyi gwa kitānda gwāke, whuu: “Amasiku ga fika gakindile. Mulimosa, une ngwitika abāndu aba bālūtēnde itolo. Une ngwinogona abēne babagīle ukuya nu—nu—nu lugelo lwa minogonelo bo abēne bakāli nukwēga imigunda gyāpānja.” Bapentekosti! Uu-huu. Kēta ikitānda kyāke kikugoga i Lisyu, “O, une ngwinogona Ikyene kyo kindukimo ikingi, une—une ngwitika ikylene...” Muketile, ukubūka kulakula ukutalula ukugomokela bo fyōsa ifingi ifipanga-gipāgūke fyābōmbīle, ugo go itolo katikati nsebwe abēne bikwēnda. Abēne bisa, ikyēne kisakugoga ikyēne. Isala yilayila ugwe kupāngānia ikyēne, kila kikugōga ikyēne. Ikyēne akabalilo kōsa kibōmbīle. Ikyēne akabalilo kōsa kisakubōmba. Ikyēne kitisakusumukāmo kang'i siku. Ikyēne kikamanyigwāmo siku mu syāmbukūlu. Mu—mu Ngulilo ya Kipanga kya Laodicea, Kristi ābikigwe pānja,

ikukung’usya, ikugela ukwingila. Kangi abene bakabagila itolo ukwimikana nakyo Ikyene. Abene bikutoligwa ukupilikisya ku Kyēne. Lilino uswe tukwaga, isala iyi uswe tukwitugasyámo, ubutolwe bukwĩngila.

<sup>102</sup> Kangi polelo uswe tukwānda ukusyāgānia, ifika fitikubonēka kangi mma, mūmo ifyēne fyāli. Ababīne bikubūka ku kāya babīne. Ikyēne kikāya panongwa ya Kyāla. Ikyēne kyo panongwa ya kisítakuyápo kwa luyigo pakati pa bāndu. Lukayápo nalumo uluyigo. Abēne—abēne bikwitūgāsya nukupilikisya; ukubūka kukāya, bikuyóba, “Mulimosa, une ngusakikisya kila kyāli kinunu itolo. Uu-huu.” Muketīle, kukayako nukwīyūla mma. Kikayapo ni kindukimo kila mu bāndu iki kibagīle ukuyapo pala.

<sup>103</sup> Une ngukumbukīla ifyinja kalongo na fihano ifi fikindīle, kuno mu Arkansas, akabalilo kāko une nāyāga na kakomano akanini pamwanya pala ku Jonesboro, akabalilo kāko kifuki abāndu maelifu malongo-mana bikugela ukuyapo pa iki, ukwisa ku lukomano ku kāya ka bandu kifuki maelifu kalongo-na-ihano. Kangi abēne bālambaléle pāsī pa magali gakupimbila amasapa na filifyosa ifingi, nukukoleléla ifikalatasi pamwanya pa bāna bābo ababīne, itolo ukuti bafike nkati. Abēne bālītūgēsye mfikota fyābo kangi balinkusita kusōkāpo, pamūsi na pakīlo, kangi babatumaga abaganīgwa bābo ukubūka ukwakwēga unkati-gwa-ngulube ni—ni supa ya kyākúnwa; nukusyala pala, ukwanda kwa lisiku nu kumalīsya kwa lisiku, ukwānda kwa lisiku nu kumalīsya kwa lisiku. Indumbula syābo syākyāga, pa moto. Itolo pabunini fiyo ikindu ikinini Kyāla ābōmbīle, ikyēne kyābabīkīle abēne pa moto. Kangi ba mia ba bēne bālīsīle mula.

<sup>104</sup> Umwene akāli yo Kyāla yulayula, ikilo iki, kīkyo Umwene āli ifyinja kalongo na fihano ifi fikindilepo. Umwene akāli yo Kyāla yulayula, ikilo iki, iki Umwene āli akabalilo kāko Umwēne āpelīle kumwanya na pāsī.

<sup>105</sup> Lōli kyo fiki ikyēne? Uswe tuli nabo bōsa bikwīyūla kangi bālonđāga ukuyenga ifipanganio fyītu, balōndīle ukuyenga *iki*, kangi ukuyenga *kila*, kangi ukutendeka ikindukimo ikikulumba kangi kimulike, ukufwānikisya na baJones, na baMethodisti, na baBaptisti, naPresbeteri. Umwe mukaya bo abēne. Umma, umwe mukaya. Abēne bo bāndu bafipanga-fipāgūke, iki kyo kili kanunu mōsa, nakimo ikyākulwana na bēne. Balipo ba bīngi a Bakristi banunu panja pakati pa bēne, lōli ugwe utikulōndigwa ukwībanilila gwimwene ni fibugutīla ifisitakwitika fila. “Abandu aba bikukana a Maka aga galimumo,” ugwe ukabagisania ukwēga ulubafu na bēne mma.

<sup>106</sup> Umwe mumenye, ulutamio lwa ikyēne lo lwakuti, ugwe kugela ukutwāla Hollywood nkipanga. Ikindu kyene iki

ugwe kufimbilisigwa ukubomba ko kusōsya Hollywood panja pa kipanga. Muketile? Umwe mukugela ukutendeka ikiyumba kyīnu ukuya kimogi, umwe mukugela ukutendeka ikipanga-kipāgūke kyīnu ukuya kinywamu fiyo, mpaka ikylene kisakukwabāga ukukēta kwa bāndu. Uswe tukabagīla ukubūka kula ku lubafu lwābo. Uswe tukufimbilisigwa ukuya nabo ku lubafu lwītu. Kilikyosa iki kikumulika, kumbukilaga, Hollywood ikumulikamulika nu bwankīsu, akabalilo kāko i Nongwainunu yikwēluka mu lwiyūfyo. Kulipo ukukīdana ukwingipo pakati pa kumulika nu kunyeka. I Nongwainunu yikunyeka mu lwīyīsyo, kangi mbololo, kangi ulwiyufyo, kangi amaka. Akabalilo kāko, Hollywood ikumulika, kangi aligwesa ikulata nu kuywega, kangi ukubūka ku kyēne. Muketile? Uswe tukafūmbwa ikyo mma.

<sup>107</sup> Uswe tukulōnda ukwitugasya u Bwēlu bula. Umwene āyobīle, “Umwe mwe mūnyu gwa kīsu.” “Linga u mūnyu gutāgīle ubōnje bwāke,” ago go māka gāke mu Nongwainunu. Uswe tubagīle ukuya nakyo ikindukimo kikwēnda mfipanga fyītu, ifi a baMethodisti, abaBaptisti, abaPresbeteri, na bōsa ba abēne, bisakunyonywāga ukwīsa. Uswe tukufimbilisigwa ukuya bāmūnyu! U mūnyu gukutēndēka ikyūmīlwa, gukupēla ikyūmīlwa. U mūnyu bo bōnje, linga ugwēne gukupalamasya. Ugwe gubagīle ukupalamāsīgwa.

<sup>108</sup> Kangi uswe tukusyāgānia, amatāti gītu amakulumba gikugēla ukufwanikisania na baMethodisti na baBaptisti, ni miyumba iminywāmu, na mabuyo amanywamu, na bāndu abanunu abamanyi, kangi i sukulu ingulumba na makoleji amakulumbapo, na filifyōsa bo ifyo. Uswe tusōkilēpo ukubūka ku matati, kangi apa ulutamio lukwingilāmo.

<sup>109</sup> Kangi i linogono lyāmwambēpo likukētesya ukusyūngūtīla nukuyōba, “Apa, gūlila i miniti, ngimba uswe twesa tukufimbilisigwa ukwega u Bumobwene bwa Fipanga būla? Ngimba ikibugutīla kyītu kyōsa kisa kubūka mu kyēne?” Naloliloli, umwe mukubūka. Ikyo kyo katikati. Umwe kētesya kangi kēta linga umwe mutikubōmba. Ili Bāngēli lyāyobīle umwe mukubōmbāga, katikati, kangi Kristi ikuyāga pānja. U mwēsi gwālisimīsyē gwēne pankyēne pa pāpa (ugwākwāndāmo siku ābūkīle ku Roma), ikilo kimo, ukukunāngīsyā ugwe ikimanyilo mu myānya. Kisakusakikisigwa, ikyēne gwabōmbīle ikyēne. Mūmo u Ntwa ikubōmbela ifindu ifi mulisiku ili, kyākuswīgīsyā!

<sup>110</sup> Polelo mu sala ingulumba iyi iya ngīsi, akabalilo kāko abēne bāli kula, imibelo gilinkwisapo. Isūbīlo syōsa isyakuponesigwa syākindīle. Lilino ngimba ugwe kubombaga fiki linga ikibugutīla kyako kikubūka mu Bumobwene bwa Fipanga? Ngimba fiki fikubonekaga akabalilo kāla ku fyōsa ifindu fyītu ifikulumba ifi uswe twāyengīle apa pa kīsu, u lusūbīlo ulwabumalikisyo lukindīle?

111 Lōli umwe mumenye, bo abēne bo bali kifuki ukukúta, kangi isūbilo syōsa syākindíle, abēne bakābagile ukupokígwa; kangi nakalinga itolo, abēne balinkumbóna Umwēne ikwisa ikwenda pa mīsi. Mu sala ya ngīsi, Umwēne alinkwīsa, ikwenda mula.

112 Umwe mumenye fiki? Akabalilo kāko Umwēne abālekíle abēne, Umwēne āmenye ikyo kyāyāga pakuboneka, popāpo Umwene alinkufyūka akāmba akatali ukukinda aka kālīmo nkīsu kila. Pamwanyapo fiyo ugwe kubūka, pabutalipo ugwe ubagíle ukukēta. Kangi Umwēne alinkufyūka mmwanya ukuti Umwēne ābagíle ukubakētésya abēne, umwe mumenye.

113 Kangi Umwene āménye iki kīsága. Umwēne asakikísye ilisiku ili ukuyako apa. “Mumo ukwene kwāyilíle mmasiku ga Sodomu, momumo ukwene kwisakuyilaga mu kwisa kwa Mwanundumiana gwa mūndu, akabalilo kāko u Mwanundumiana gwa mundu ikusetuligwa.” Polelo, u Mwanundumiana abagíle ukusetuligwa. Ingulilo ímbíbi niyabulogwe iyi yisakulōndesyāga ikimanyilo. Iyēne yisakuya ni kimanyilo kimo. Iyēne yisakukāna ikyēne mūmo abēne bābōmbíle akabalilo kála, lōli ikyēne kisakuya kimanyilo kya busyūke. Umwēne akāli mūmi, ikubōmbela mūmo Umwēne ābōmbíle.

114 Uswe tukusyāgānia, ukuti mu sala ingulumba iyi, abafūndígwa bála bōsa mbutolwe, Umwene alinkufyūka mmwanya ukuti Umwēne abāgíle ukubakētésya abēne. Umwene ālitugésye pala pa kamba, ikubakētésya abene.

115 Kangi lilino Umwēne akāfyūkíle ikyāmba akabalilo aka, lōli Umwene āfyūkíle ukufuma mwipūmba, ukufyūka ukukinda mu mbepo, ukukinda u mwesi, indondwa, mpaka Umwēne ābūkíle mmwanya fiyo mpaka Umwēne ābagíle ukukēta pāsi ukukēta ku Mwanya. Kangi pala Umwēne ikwītugásya, pa Mwanya. Lilino ikisige Kyāke kili pa tūndúlu, kangi une mmenye Umwēne ikukētésya uswe. Umwēne ikukētésya.

116 Kangi papapa apa mu sala iyi ya ngīsi, akabalilo kāko ifipanga fyōsa fibūkíle mu mbātiko ingulumba, kangi abēne bali nu lubatíko ulu kangi ulubatíko lula, fyōsa fibatikígwe mōsa bo fifipanga ifingi fiyilíle, ifipanga-fipāgúke. Kangi kyo fiki iki kyāboníke? Mu sala ya ngīsi, akabalilo kāko abāndu bīsusígwa-na-mbepo abanaloliloli bikuswīga, “Kikubonekaga fiki? Keta ku bana bangu!” Unnyambala ikuyoba, “Keta ku nkasi gwangu! Keta pa iki!”

117 Kangi abēne bikulundusya ulwa Pandungu, pamo lwa Pakitatu nkilo ulukomano lwa lwīpúto, nakalinga, ukuti abēne babagíle ukwakuketelela *Uswē Tunganile Sucy*, pamo ikindukimo bo ikyo, pa senema. “Bagana ba kīsu, ukukinda ukuya bagana Kyāla.” Ukubōmbéla ngati bēne.

118 Une nālimbulíle unkíkúlu yumo ilisiku limo, umwēne āfwēle ilidiresi lyāke ilifinyu fiyo. Une ndinkuti, “Kalumbu, ilidresi ilyo

lifinyu fiyo. Ikyēne kibagile ukusita kupilikígwa kanunu ukuti une ngubūle ugwe ikyo, lōli ilyēne lifinyu. Ugwe gwe Nkristi, kangi ugwe kupelaga ikyakwitabaniamo.”

<sup>119</sup> Umwene alinkuti, “Ena, Nkundwe Branham, ugwe umenye fiki?” Umwene alinkuti, “Ilyo lyo luko lwēne abēne bikutendeka.”

<sup>120</sup> Une ndinkuti, “Abēne bakāli bikulísya ifyōmbo, kangi abēne bali na makina gakusónela. Lukayapo nu lulèyèlo.” Ena.

<sup>121</sup> Pilikisya, unko une ngubūle ugwe ikindukimo, mwinangu mpala. Kisita kukusalapo ugwe. Umma, nkulumba. Une ngugela ukukyunga ugwe ukusōkákó ku butolwe. Akabalilo káko i mbepo yila yili mwa ugwe, ugwe kubōmbága ikyēne. Uko ko kutalusya. Ugwe kufimbilisígwa ukupāpígwa ukusōkámó mu kyēne. Lilino ugwe ubagile ukwifwanikisya gwīmwené pa masyu ago, lōli unko une ngubūle ugwe ikindukimo, muketile, “Iki indumbula yako yili, kula ikyuma kyāko kyōpe kili.”

<sup>122</sup> Unko une ngubūle ugwe. Ugwe ubagile ukuya mwelu itolo bo kikala kwa ndumego, kangi ugwe ubagile ukuya itolo mwelu bo kikala, ndindwana nkeke, ku mwinako u ndumiana, lōli ilisiku limo Kyāla isakukutendeka ugwe ukwāmúla panongwa ya kusulwa ubulogwe. Ugwe utobesígwe akabalilo káko ugwe kufwála bo lula. Yeso aatile, “Aligwesa uyu ikuketa ku nkikulu ukunonyonywa umwene, abombile ubulogwe nu mwene mu ndumbula yake.” Kangi akabalilo káko u nnyāmbála yula ikufimbilisígwa ukwamula, utulwanongwa yula, panongwa ya kukéta pa ugwe, panongwa ya kusulwa ubulogwe, ngimba yo ywani ākitwéle ikyēne ku mwēne? Inogona isya ikyēne. Umwe bakíkúlu ba kiPentekosti, isóni pa umwe! Muketile? Isóni pa umwe!

<sup>123</sup> Une mbaganile umwe, iyo yo nongwa une nguyoba ikyo. U lugano lugolosyi.

<sup>124</sup> Uswe tuli pa matata amakulumba, amatata ga bufwalilo amakulumba. Ikyēne kili itolo bo, kangi kitendekesígwe bo kīsu. Umwēne alinkuti, “Ukugana i kisu mma, pamo ifindu fya nkīsu; linga ugwe kubōmba, u lugano lwa Kyāla lukayamo na mwa ugwe mma,” Une ndikupāsyá ugwe kuyoba kalinga mu ndimi, ukunyela nyela, ukumoga, ukutumula inywili, ukufwala amadiresi bo ulo. Ugwe nnyāmbála kwitikisya ikyēne. Ifipaso fyāko fyēne fikukubūla ugwe kūko ugwe uliko. Uko ko katikati kutalusya. Kisita kuswīga uswe tuli mbufuluganīke bo ubu uswe tulimo, kangi tukumalikisya mu kikomyunisti, imibelo gya kipangapanga, imibelo gya kipanganio kyābumobwene!

<sup>125</sup> Akēne ko—akēne ko kabalilo ka kulungisania, akabalilo ka kubungānia. Imibunganio gikubūngānia abapambombo, ukūmána ukufwana ni kyēne. Ifīsu fili nakyo i—i United Nations, abēne bikwibūngānia. Ifipanga fikwibūngānia palikimo. Ngimba ikyēne kikunāngísya fiki mōsa? Ikyēne



kikunāngisya ukuti Kristi nu Nsīngilígwa bikwitendekesya ukulungisígwa. Ikyo kyo iki ikyēne kikyubelapo. Gyōsa igi imisyūngúlu gya findu gikunāngisya ikyabwanaloli kikwīsa. Ketesya lilino akabalilo kako uswe tukwigala, panongwa yakuti une negile isala indali fiyo.

<sup>126</sup> Kangi lilino kētésya, mu sala ingulumba yila akabalilo kāko ulusūbilo lōsa lwākindíle, ulwa kuponesígwa, abēne balinkumbona Yumo ikwisa, ikwenda pa mīsi, ikusegelela. Kangi i kindu, ikiyabo ikipela busulumanie, pilikisya kifuki, ikindu kyēne iki kyābagíle ukubatula abēne, abēne bakitílāga. Abēne balinkuti, “Ikyēne kikuboneka mbusyukasyuka. Ikyene lumo kili, umwe mumenye, kisyúka.”

<sup>127</sup> Linga ikyo kikaboneka kāngi u mwisyúgu! Abēne bikukitíla Ikyēne. Abēne bikutíla ubulāgúsi, abēne bikutíla u luko lumo lwa maka ga mōhési; akabalilo kako Yeso āyobile Ikyene kisakubonekaga mu lisiku ili. Ikindu kyene iki kibagile ukubatúla abēne yo Yeso Kristi. Komma ikipānga-kipāgúke ikíngi, komma ukuti bōsa bilungisyege palikimo; ikyo kyo itolo kikubukága ukutendeka ikyēne kinyalipo ukukindamo siku. Ikindu kyēne iki kibagile ukukutula ugwe yo Yeso Kristi.

<sup>128</sup> Kangi akabalilo kāko Umwene āfingile ukugomokela ku masiku ga bumalikisyo, mu luko ulu, kangí ukubomba sisisi, ukufínga (ukufwana itolo bo akāli u mwanundumia umfingígwe āgomokíle kwa Abraham, imbeyu yakwānda) uluyungu lwabunyafyale lwa Abraham, Yeso ābagíle. . . āyobile ābagíle ukukēta ikindu kilakila. Bo akāli u Mwanundumiana umfingigwe, Kyala ābagíle ukwibonesya Mwene mu mbili kangí ukubomba bo yo Yeso ābōmbíle, bo mūmo Umwēne āyobile Umwēne ikubōmbága, itolo mūmo āyobile fikubōmbelígwága mmasiku ga bumalikisyo. Kangi apa ifingo syōsa sila, isi uswe twābagíle ukwāla isyēne pānja, mwa bakalongo-na-babili, papapa apa pankyéni pa umwe, ukuti iki kibagíle ukuboneka pa buyo.

<sup>129</sup> Kangi ifipanga, ifi fibagíle ukuya na maboko gabālulígwe pānja, ukwambilila Ikyēne, “Une ngutíla panini isya Ikyo. Ikyēne kikaya kya kibugutíla kyítu, muketile.” Kangi abēne bikukitíla Ikyēne. Ikindu kyēne iki kibagíle ukubatwala abēne kwa Kristi, yo Kristi Mwene, kangí abēne bikutíla ukuti Ikyēne kyakutílísya. “O, une ngamanya. Ikyo lumo kyamisyúka, ugwe uketile. Kangi une ngasamanya isya Ikyēne.” Ukutila ikindu kyēne iki kibagíle ukubatula abēne.

<sup>130</sup> Kangi mu sala iyangísi yila iyabutolwe, abasaligwa ikipanga kila, ikibugutíla kila kītūgésye panja pala, ukutíla ukuti ikyēne lumo kyāli kyamisyúka, abēne bakālondága ukuya nakyo nakimo ikyakubomba ni kyēne. Polelo likwisa i Lisyu ilinoge lila, “Komma ukutíla. Yo Une.”

<sup>131</sup> Umwene yo Lisyu, bule Umwene? Umwene atikwandukamo siku, ukuya Lisyu. Lilino ngimba ugwe ukabagila ukupilika i Lisyu likuyoba, ikilo iki, “Umwene yo yulayula mmayolo, umwisyúgu, kangi bwilanabwila. Komma ukutíla; icyène yo Une?”

Tuli namisya uswe imitu gyitu.

<sup>132</sup> Tāta Gwakumwanya, a—a mayolo gapile. Isala syangāsi, mūmo fikuti u Moto gusōkilépo pa kigémo. Ugwe kubungania ukukilania mu ngunda. Ugwe gwāyobíle, “I Kitangala kili bo u mūndu uyu ālyégíle ulwelo nukubūka kwa sūmbi, ukutága ulwene mula, kangi bo umwēne alutwele ulwēne panja. I Kitangalala kyāli bo lula.” Ntwa Kyāla, ilisiku limo iswi yabumalikisyo yila iyi yili mmīsi! Ugwe gwāyobíle, “Abēne bākolíle u luko lōsa.” Ulwelo lwa Nongwainunu lula lukukóla uluko lōsa; ulwene lwākolíle abakayamba, iswi-mwafula, imibūbi, imiyoka, iswi-syāmino. Uswe tukamanya iki icyène kikukóla, lōli syalimo iswi simo mula Ugwe gwasikōngága. Ugwe gwe Yumo uyu yo Ndongi. Lōli uswe tukusyagānia, nakalinga abakayamba, iswi-mwafula, na syōsa, sikugomokela ku bwina-matipa kangi, ukugomokela ku mīsi. Lōli ilisiku limo iswi ya bumalikisyo yila iyi yāsungulíwe, yamanyilíwe-ngānīla ukwīsa, ikiyabo kyabumalikisyo kila ikya Mbili, kisakukwabigwága ukufuma mwa sūmbi.

<sup>133</sup> Ugwe gwāsopíle u lwēlo mmasiku ga Luteri, na Wesley, Alexander Campbell, John Smith, Calvin, Knox, Finney, Sankey, bo abo; mu ngulilo ya kiPentekosti, amasiku ga F. F. Bosworth, na Frochman, abanyāmbála abakulumba bala. Ugwe gwāsopíle u lwēlo, mmasiku ga Billy Sunday, ukukindilila ukukinda i ngulilo.

<sup>134</sup> Kangi lilino Ugwe ukāli kupesa ukukinda mwa sūmbi. Ngimba alipo pala yumo gwa bēne itūgésye muno ikilo iki, Ntwa? Linga icyene mo mūmo, abene babagile ukuya bo nkikulu unnini ku kisiba. Pópe mu kayílo kabulogwe kāke, umwēne pópe ākwagénie ukuti Ugwe gwāli Mesiya. Umwēne akibwēne ikimanyilo kila. Ikyo kyāli icyène. Umwene alinkuti, “Une ngusyāgānia Ugwe gwe nsololi.” Umwene akāli na minogono nagamo ukuti icyene kyābagíle ukuya Mesiya. Umwēne alinkuti, “Uswe tukulondalonda u Mesiya,” mu masyu agāngi. “Uswe tumenye akabalilo kako Mesiya ikwisa, Umwene isakutubúla uswe ifindu ifi.” Kangi Ugwe uyobile, “Une ne Yuyo.” Ikyo kyāli icyène.

<sup>135</sup> Lilino, ikilo iki, Ntwa, unko abēne bakēte ikyo, “Ikyène yo Une; mungayaga ba lutende. Ulwēne lo lufingo Lwāngu.” Bumbulusyága ababíne, Ntwa, pokaga abasobi, isusyaga abasitakandu.

<sup>136</sup> Tulisōkangápo uswe ikilo iki, nukuyoba mu ndumbula syītu, bo uswe tukusōkápo, bo bala aba bafumile ku Emmausi,

“Ngimba indumbula syĩtu sikāpyága nkati myĩtu bo Umwene ālumbililága kwa uswe ikilo iki mu kiyumba, u Kuyapo Kwāke u Kwākyála!” Mũmo abēne bamanyĩle ukuti icyēne kyāli Ugwe, abēne bākukōlile Ugwe mula kangi amāso gābo galinkwīgúka. Tucusuma aligwesa gwa uswe, ikilo iki, tukukōléle Ugwe nkati. Linga uswe tutikupilikisya Ikyēne, tulikukōlelága uswe Ugwe nkati, mulimosa. Iyo yo njila yene Ugwe ubagile ukwisetulaga Gwĩmwēne.

<sup>137</sup> Kangi uswe tukukētésya mũmo Ugwe gwālisetulile Gwĩmwēne ukufuma pa busyuke Bwāko, Ugwe gwābōmbīle ikindukimo mu njila yilayila Ugwe gwābōmbīle bo kukāli ukukōmelígwa Kwāko. Lilino isaga ikilo iki, Ntwa, Ugwe uyobile gwāli “yulayula mmayolo, umwisyugu, na bwilanabwila.” Bōmba kāngi, kuli uswe, mũmo Ugwe gwābōmbīle mmasiku gāgo Ugwe gwālimīle apa mu mbili, pa kĩsu. Uswe twisakubūkága ku kāya, tupepusígw’indumbula, ukufwana na bala. Mu Ngamu ya Yeso uswe tucusuma. Amení.

<sup>138</sup> Lilino ndukomano, ikilo iki, une mmenye ukwene kulungwīle fiyo, kangi uswe tuli nago amaminiti malongo mabili itolo ukuti tusōke nkabalilo. [Ubuyo busitakandu pa tepi—Nsimbi] Une ne . . .

<sup>139</sup> Une ngabagīla ukwĩmīka pamo ukupīnga i findu ifi une ngubōmba. Une ngugūtigwa ni Kindukimo, une akabalilo kōsa ngubōmba, ubūmi bwangu bōsa, kangi Ikyēne kyo akabalilo kōsa kitalusye. Ikyēne kikāmbulāmo une nakimo lōli iki kyāli i Bāngéli. Une ngabagīla ukwimīka icyēne. Une ngabagīla ukubōmba nakimo ikya icyēne. Ikyēne kikubōmba itolo icyēne, mulimosa. Kangi une nsisimikisye, linga une ndigwakupilikīla, ālipo u munduyumo uyu ikufumbilwa icyēne. Kangi une nguyaga nsūbilígwa. Kangi ku Lisiku lila, une ngulonda, ukuya bo Mwikemo unkulumba Pauli āyobile, “Nalimo nililopa lya mundu pa kiboko kyangu.” Huu-uu. Une—une ngulonda ukubabūla umwe Bwānalōli. Komma ukuya une . . . Une mbaganile umwe.

<sup>140</sup> Kangi linga ugwe gwāli nu ndumiana unnini . . . Lilino inogona isya icyēne, nkíkúlu, ugwe yūyo une nākumanilága pitasipo, umwe bakalumbu ni nywīli indumuligwe ni findu. Linga une . . . Linga ugwe gwāli nu ndumiana unnini itūgésye panja pa lukindi, kangi ugwe gwāyobīle, “Gwemwāna, gwempala, ugwe kinunupo gwingīle muno, gwempala. Ikyēne kibagīle ukuya, une ngamanya, abēne lumo bisakwendesyága amagali ukusyungutila ugwe.” Ugwe ukangana umwanike yula. Uko ko kutalusya. Ugwe kubūkága panja pala nukupuyula ikipapa ukufuma ku mwēne, pamo ukuntendeka umwene ingile. Uko ko kutalusya. Ugwe unganīle umwēne.

<sup>141</sup> Iyo yo njila iyi i Nongwainunu iyīlīle. Kyala akuganile ugwe. “Kangi bala aba Umwēne abaganīle, Umwēne

ikubakomamo nukūmanīla umwāna aligwesa uyu ikwīsa ku Mwēne.” Linga ugwe ukabagila ukwikasya ukukomigwamo, ugwe kusōkāpo kangī kuya nkalale ukufwana ni kyēne, polelo ugwe gwe mwāna nsigwana, umwe mukaya bāna ba Kyāla. Polelo itolo kumbukilaga, ilyene lyo itolo Lisimbo.

<sup>142</sup> Lilino i lisyu ukufuma kwa Mwēne, ilisyu limolyene, lisakusanusyaga ukukinda iki une nābagīle ukuyoba, akabalilo ka būmi elifu-elifu. Ikyēne yo Mwēne. Uswe tuménye ulufingo Lwāke. Uswe tumenye iki Umwene afingile ukubomba. Lilino une ngamanya ukuti kali . . . ngimba . . . uswe tukufikaga ku . . .

<sup>143</sup> Ngimba umwe āyabénie amakadi? Ngimba ugwe gwāyabénie amakadi umwīsyúgu? Ngimba ikyēne kyāli fiki? J, umma ndaga. Umma ndaga, ukuponesya akabalilo, unko uswe itolo twānde pa mbalilo ya yimoyene. Lilino, abēne lumo bali mōsa mu kiyumba. J, mbalilo yākwanāda.

<sup>144</sup> Kangi lilino uswe tulinasyo ingābisyo. Uswe twālyāndīle ukufuma, akabalilo kamo, ukufuma pa *iki*, pa kabalilo, ukubūka nu kugomoka kumo, nukusyungutīla, lōli uswe tulinkuya na bēne ukukābīla ukusyungutīla apa. Lōli abāndu balibōsa aba bikwingila muno, ilisiku liliyosa, bali nu lusako ukwisa mu bubambe. Ikyo kitikusanusya ukuti ugwe uli apa . . .

<sup>145</sup> Balinga bamenye, ndukomano ulu, bālipo kifuki kabilikosa bu bwingi bābumbulusīgwe mula nkilundilo, bo bābo bābumbulusīgwe pamwanya apa? Naloli, umwe mumenye ikyene. Muketile, i likadi lya lwīpūto lyo itolo ukubatwala abāndu pamwanya apa, ukutwāla Mbepo Mwīkemo pakati pa bēne, bo mūmo umwe mwisibīle ukubomba ikyo. Uswe tutikulondigwa nukuya nalyo ilyēne lululu ulu. Uswe tubagīle ukusōsyāpo a makadi ga lwīpūto.

<sup>146</sup> Itolo mūmo uswe twābōmbīle ikilo kyāmmayolo, uswe tukālīmo siku na makadi ga lwīpūto nkilo. Mbepo Mwīkemo āsōkīle ukubūka pakati pa bēne aba bakāli nago amakadi ga lwīpūto. Kangi une nāfibwēne ifindu fingi une ngāyobilépo nakimo, 'nongwa yakuti une ngāménye kali ikyēne kyāli momūmo pamo mma. Ikyēne kyākāli kyālyumilise ingīsi pamwanya pa bēne, kangi une ndinkukileka kyene itolo. Une ngāménye. Kikayaga pakubōmba ubununu nabumo ukukōléla abēne. Kilikyōsa iki Umwene ikuyōba kyo kitalusye, popāpo pilikisya iki Umwēne ikuyoba.

<sup>147</sup> Lilino ngimba ugwe gwatigi āli J? J, mbalilo yakwanda? J, mbalilo yakwanda. Ngimba ywani ali ni likadi lya lwīpūto? Fyusya ikiboko kyāko. Ugwe ubagīle ukuti usobīle, mwanundumiana; kubagīle ukuya kimo . . . O, une nsobīle. O, kubutali kula kunyuma kubwakibumba ku nyuma. Isaga apa, nkīkūlu. Abene—abene bikusosyaga itolo lilino, undumiana uyu, u Nkundwe Borders pamo Billy, yumo, utabalilo tumo bosa babili, ukufulugania amakadi gala pankyeni pa ugwe, kangi

polelo ukukupu ugwe ilikadi lyāko, lililyosa ili ugwe kulonda. Uswe tukamanya, agēne go itolo... *Uyu* abagile ukwega i mbalilo yabuhano, kangī *yula* ikwēga i mbalilo yabuhano-ni-yabubili, *uyu* ikwega i mbalilo yakalongo-ni-yabuhano, kangī *yula* malongo-mahano-na-mana-ni-hano, kangī uswe tukamanya. Kangī polelo, kangī, akabalilo kāko une ngwisa, une itolo, paliposa ikyēne kikuya pa ndumbula yangu, une ngukōléla ukufuma pala, kisita kupasya pāpo ikyēne kili. Une itolo... Līnga une nguyoba... Utubalilo tumo une ngubala balinga mu bubambike, kangī ukuyabania ikyēne na bābo pa bubambike ubu nukwaga ilyāmúlo. Muketile? Kangī polelo, līnga une ndikubōmba, fiki, une itolo... kilikyōsa kikwisa ku linogono lyāngu ikyakwānda, une ngukōléla.

148 Mbalilo yakwanda. J, mbalilo yakibili. Mbalilo yakibili, mbalilo ya butatu, mbalilo yabuna, mbalilo yabuhano, mbalilo ya ntāndātu, yabuhano na sibili, yālwéle, yabuhano na sina, yakalongo, unko abēne bīse, muketile. Yimo, yabubili, yabutatu, yabuna, yabuhano, ntāndatu, yabuhano na ibili, lwéle, yabuhano na sina, yakalongo. Ikyo kyo kinunu. Iyo kyo njila, isaga itolo... Gūlīla, yumo ābūkīle injila iyingi. Une nāli... Yimo, yabubili, yabutatu, yabuna, yabuhano, yantāndatu, yabuhano na ibili, lwéle, yabuhano na sina. Uko ko kotalusya. Lilino, apa, apa ikyēne kili, kalongo. Umma ndaga.

149 Kalongo na yimo, kalongo na ibili, kalongo na itatu, kalongo na ina, kalongo na ihano. Abo bo bahano ukongelélapo. Yumo, babili, batatu, bana, bahano. Kinunu, ikyo kyo kinunu.

150 Kalongo na ntāndātu, kalongo na ihano na ibili, kalongo na lwéle, kalongo na ihano na ina, malonga mabili. Yumo, babili, batatu, bana. Une ngubabona bana bēne. Malongo mabili, ngimba malongo mabili āmwīle? Umma ndaga. Lilino, uswe tutikulonda ukwega bingi fiyo bimīle akabalilo kamokene. Lilino līnga uswe tukumālīsyā na aba, kangī ukwēne kwāndēne ukufwāna, uswe tukubūkāga ukwēga bamo abakōngelēla. Uswe tutikukōléla... Lumo uswe...

151 Unko uswe tugéle abanandi ukōngelélapo. Unko uswe tugéle bahano ukongelēla. Malongo-mabili-na-yumo, ukubuka malongo-mabili-na-bahano, mwa ba J, unko abēne bīme līnga umwe mukulōnda. Malongo-mabili-na-yumo, ukubuka malongo-mabili-na-bahano. Yumo, babili, batatu, kubutali kunyuma mula munyuma, bana. Yumo, babili, batatu, bana, uyo yo bahano. Popāpo, lilino unko uswe itolo twīme apo. Balipo malongo-mabili-na-bahano mbubāmbē, kangī abēne—abēne bikubāmba pāsī apa.

152 Lilino une ngubasumaga umwe ubutuli bumobwene. Ngimba umwe mukumbaga une ubupilikisye busitakutapulania... Mpapo Kyāla ubupilikisye ubusitakutapulania, ku maminiti kalongo-na-mahano,

malongo-na-ntândātu. Ngimba umwe mukubōmbága ikyo? Kangi ngimba umwe mwisakubomba iki, igula indumbula yīnu? Lilino kumbikilaga iki une njobile. Komma ukukuyitikisya ikylene kigwege pa nyuma yāko, bo ga mīsi gikugwa pa nyuma ya lisekwa, mūmo ubuyobelo bwayyolo buyilile. Komma ukubomba ikyo. Inogonela Iki.

<sup>153</sup> Linga une ngubabulaga umwe ikindu kilikyosa iki kikāya mu Lisimbo, kangi u lufingo lwa sala iyi, umwe mukufimbilisígwa ukwāgāna nu ndongosi apa nukwisa ukumbula une ukufwana ni kyēne. Isyo kutalusya. Une—une ngumanyisya nakimo lōli iki kili mu Lisyu. Kangi linga une ngwisa kwimililaga itolo palapala pa Lisyu, kangi linga une nguyoba Ikyene kili mu njila yila, kangi Kyalala. . . Ikyene kyo kili mu i Bāngéli. Linga u Gwandumi gwa Ntwa ālimbulīle une ikindukimo iki kikālimo mu i Bāngéli, ikylene kikābagīle ukuya Gwandumi gwa Ntwa. Uko ko kutalusya. Umwēne nasiku nakabalilo kamo akambūlāmo une kalikōsa lōli kāko kāli mu Lisyu lila, kangi umwe mukumbīkila une ubukēti. Umwene akayobāmo siku akandu kamokene, ukufuma ku bamia ba maelifu na maelifu, kangi injobelo sya nkīsu, abōmbīlemo Umwēne nasiku akabalilo kamokene ayōbīle kalikosa akasobi, pamo ayobīlēmo kalikosa aka kakālisīle ukuboneka.

<sup>154</sup> Pilikisya. Ndalusya u nkētesi na bala apa. Iki kyo iki umwe mwesa mukukēta apa, kyo lubafu lwabufūdīgwa ulwa kila. Ngimba ikyo kitalusye, bakundwe? [Aba bakundwe bikuyoba, “Kutalusya.”—Nsimbil] Fiki, panja pala, kangi panja mbūmi bwa pamwene-pamwene, kūko Umwēne ikuyoba, “Buka kula ku buyo *ubu*, kangi kēta *iki*. Kangi *iki* kisakukwisaga ukuboneka. Kangi yoba *iki* pa bwa apa, kubwa *kuno*.” Ikyēne itolo kingikingi, akabalilo kōsa, muketile, ikyinja ukwingila ni kusōka. Abāndu nkilundilo itolo bikukēta i—i ifindu ifinini. Lōli linga ugwe kuya gwakwiýisya.

<sup>155</sup> Lilino ngimba aligwesa mu lukindi lwa lwiputo, imile apa, nhesya kwa une? Fyusya amaboko ginu linga umwe muli. Umma ndaga. Balinga kula baliko kula, bamenye ukuti une ngamanya nakimo ikya ugwe? Fyusya ikiboko kyako. Lilino akabalilo kāko. . . Ndaga. Une ndikupasya kūko ugwe uliko, linga ugwe ulimmwanya mu mesa, kunyuma kifuki ni kibūmba, pāsi ukukinda *apa*, kulikōsa ugwe uliko. Une ngubukāga uku. . .

<sup>156</sup> Lilino, iki kyo panongwa ya bununu bwīnu. Iki kyo panongwa ya bwīnōge bwīnu. Muketile, iki kyo panongwa ya bwīnōge bwīnu.

<sup>157</sup> Une ninogonaga ukuti yula āli mwisukulu gwāngu unnini ikuyoba kwa une akabalilo kāla, lōli umwēne akāli mma. Une ndinagwe u ndumiana-mwisukulu unnini muno pabuyopamo, ikilo iki, umwēne ntali bo ulu kangi une ninogonaga ukuti umwene yo Paul unnini. Umwēne akabalilo kōsa āyobaga

umwēne ikwīsaga, ukwīma pa kigémo, ukulūmbilílila une, kangi umwe akāya itolo kifuki fyinja fibili mbukusi. Une ngwinogona u ndumiana unnini yula ikufwima unna.

<sup>158</sup> Popāpo kumbukilága, une ngugéla ukubatūla umwe. Une . . . Kyāla amenye ikyo. Une ngugéla ukubatūla umwe, muketile. Lilino kēta, une ngulonda umwe ukwegwa ubunoge, linga Umwēne ikwisa pakati pa uswe.

<sup>159</sup> Lilino inogona isya iki, u Mundu ugwa Yeso Kristi ikubomba mu mbili, bo mūmo Umwene āfingile Umwene ikubombaga mmasiku gabumalikisyo. Balinga bamenye ukuti Umwene āfingile ikyo? Itolo bo mūmo ukwēne kwāyílile pāsi pala ku Sodomu, akabalilo kāko u Gwandúmi ni nyuma Yāke yisindíle, kangi i . . . Yula āli yo Kyāla. Ngimba ugwe kwitika ukuti yula ali yo Kyala? Balinga bikwitika yula āli yo Kyala? [“Ameni.”] Naloli, ikyene kyāli. Ili Bāngéli lyāyobíle ikyēne kyāli. Kangi Umwene, Yeso, alinkubagomokesya ku kyene. Lilino ketesya.

<sup>160</sup> Lilino umwe panja apa na makadi ga lwīpúto, une ngulōnda umwe ukubōmba ikindukimo kuli une, kulikosa umwe muliko. Lilino kumbukilága, ifindu ifi, kētésya akabalilo kāko Ikyēne kikukubūla ugwe ukuti ugwe ubumbulusígwe, pamo iki Ikyēne kikukubūla ugwe ikyakubōmba. Kētésya iki Ikyēne kikuyoba. Linga Ikyēne itolo kikukubūla ugwe, ikyo kyo kuyenga u lwītíko lwāko. Kangi polelo akabalilo kāko u lwītíko lwāko lukufika pa buyo, ugwe fikilaga itolo nukummwitikisya Kyāla. Umwene akaya yo une, panongwa yakuti Tata Gwakumwanya amenye.

<sup>161</sup> Une nguketa pāsi ku lukindi ulu, une ndinkumbona umundu yumo uyu une nummenye. Une ngabagila ukukēta lōli kifuki abāndu babili pamo batatu nkilundilo kyōsa, aba une mbamenye. Kangi une ngamanya ukuya, lululu ulu, une mbagile ukuyoba, nāngisya yumo. Une nummenye ukuti Edmund Way āli apa amaminiti manini aga gakindíle. Une ninogonaga une nālimbwéne umwene, kangi une—une mbondilwe . . .

<sup>162</sup> Linga une ngasoba, une ngumbona umundu yumo une nummenye, yo nnyāmbála nu nkasi gwāke, kangi akalindwana akanini, ikukolelígwa Fritzingler, ukufuma kula mu Ohio. Ngimba yula, ngimba ugwe gwe Nku-. . .yula Nkundwe Fritzingler? Ugwe gwitūgésye mu luko lwa mbusyungutílo ubunini kūko. . .Uyo yo Nkundwe na Kalumbu Fritzingler, ukufuma ku Ohio, abínāngu ba une.

<sup>163</sup> Kangi panja pa ikyo, itūgésye kunyuma kula, yo u. . . une ngukēta pa lubafu lwa kubwa kuno, yo nnyāmbála unkāngále ikubūka ku fyinja malongo-mahano-na mana-na-fibili mbukusi, ni ngāmu ya William Dauch. Umwēne nu nkasi. Unkasi yo nāsi. William Dauch, mu Ohio, u mwīnangu gwa pamwene-fiyo gwa une. Lululu ulu, umwēne āli, ni fyinja malongo-mahano-na-mana-na-kimokyene mbukusi, āli nu konangika kwa ndumbula ukumālisya, ukukomígwa kwa

ndumbula, kangi unkasi gwāke ālingōlīle une, ukwisa nakalinga, umwene āfwāga palapala pala. Kangi pa. . .

<sup>164</sup> Umwēne yo mwīnāngu gwa pandumbula kwa une. Pa nsebwe gwāngu ukubūka ukunkēta umwēne, une nāpasyāga. Kangi une ndinkwīma, kangi limo mwa magurudumu gāngu lyasōkīlepo pa bubambe, une itolo natumulaga ilitayala lyāngu ntumbakasya, kangi une nabūkīle kula ku bwīmīlo bwa Texaco, ndinkubika amafuta gāmo, kangi abēne bikwisa panja, ukukēta ku lyēne. Kangi une ndinkukēta pamwanya, kangi une ndinkumbona u Nkundwe Dauch ikwenda ukwisa ukukinda mu kipanga kyāngu, ikuponia ikiboko kyāngu. Une ndinkuti, “Atufyigwege u Ntwa.” Kangi une ndinkukēte kunyuma injila iyi, kangi apa umwe ikwisa pāsi pa lukindi, kangi ikuponia ikiboko kyāngu. Une ndinkubūka ku mwēne.

<sup>165</sup> Une nālimbwene u ngānga gwāke, uNjuda unkeke, pamo ugwabukusi-bwapakati, unnyambala gwa kiJuda. Kangi une ndinkuti, “Ngimba bule umwene, ngānga?”

<sup>166</sup> Alinkuti, “Umwēne akayanalo nu lusako lwakulwīla.” Alinkuti, “Umwēne ali pa kihema kya oksijini.” Alinkuti, “Umwene isakufwaga palapala itolo.” Umwene alinkuti, “Kumbukilaga, umwene ali ni fyinja malongo-mahano-namana.”

Une ndinkuti, “Ena, nkulumba.”

<sup>167</sup> Alinkuti, “Ukwene ko kutoligwa kwa ndumbula yōsa. Nakimo kibagīle ukubōmbīgwa.” Alinkuti, “Akene ko kabalilo ka kubūka.”

<sup>168</sup> Kangi une ndinkuti, “Ena, nkulumba. Loli, umma, umwene atikubūkāga mma. Ikyo kyo kyosa.”

<sup>169</sup> Une ndinkwingila, ukubīka ikiboko kyāngu pāsi pa kihema. Une ndinkuti, “Nkundwe Dauch, ngimba ugwe ubagīle ukumbilika une?” Umwene alinkukēta mmwanya kwa une. Lilino naloliloli, mu ngamu yāke, umwene yo gwa kiJeremani, D-a-u-g-h, kangi une nguyikōlēla iyēne Dauch, muketile. Kangi une—kangi une ndinkubīka ikiboko kyāngi pāsi pa kihēma, kangi une ndinkuti, “Ngimba ugwe kumbilika une, Nkundwe Dauch?”

Umwene alinkuti, “Ena.”

Une ndinkuti, “Ugwe utikubūka mma. Une ndalile ngubwene ugwe utikubūka mma.”

<sup>170</sup> Undungu ukufuma pala, imīle nkipanga kyāngu, ywani ikwisa ikwenda ukusegelela ukukinda nkipanga lōli yu Nkundwe Dauch! Une ndinkusōkapo pa lukomano nukubūka kula ku kisōko, ku bulilo, ukwākūlya. Kangi akabalilo kāko une nsōkīle ukufuma mu ligali, kangi nendaga ukufyuka u lukindi, apa ikwisa Nkundwe Dauch ni kiboko kyāke abālwīle panja. Imboniboni sila sitikutoligwa.



171 Kangi u nnyāmbala yula ugwa malongo-mahano-na-mana mbukusi, kangi ikukōngésya ulukomano lulilōsa, āli mu California. Ngimba ugwe ubagile ukufyusya ikiboko kyāko, Nkundwe Dauch? itugésye pala, ukuti abāndu bisakukētága iki unsikali gwanaloliloli ali lilino. Apa, itugésye papapa apa, muketile, ifyinja malongo-mahano-na-mana-na-kimo mbukusi, kangi ukukōngésya ulukomano lulilōsa. Akabalilo kāko une ndi ku kipanga, umwene ikwendesya amamailosi mia yumo ilisiku lililyosa, ukumbilika une ngulumbilila akabulumbilili akanini, nukugomokela. Kyala, “Ukwene kwisakuyaga Bwelu nkabalilo ka namayolo.”

172 Une ndinkuti, ilisiku limo une nayobaga ku mwene, une ndinkuti, “Ngimba une mbagile ukubomba kiliku kwa ugwe, Nkundwe Dauch?”

173 “Itolo ukusuma kumokwene, Nkundwe Branham. Akabalilo kako Umwene ikwisa, une ngulonda ukubuka nu Mwene.”

174 Ndinkuti, “Komma ukupāsya. Ikyo kyo kiponesigwe. Naloli.” Lilino, u nnyāmbála isile nkati, ālyōsigwe, o, isile mula kangi āmbilife u lōsyo lwa Mbepo Mwikemo na filifyōsa, itolo ugwambombo gwa Kristi unnoge.

175 Lilino une ngulūlusyāga aligwesa, naloliloli ukuyīndika, umwe kēta kubwa kuno kangi ipūta.

176 Lilino balinga bamanyisi apa bamenye ukuti Umwēne yo Mpūti Nkulumba, lululu ulu, uyu abagile ukupalamasigwa nu bwipilike bwa bonywa bwitu? Ena, linga Umwene yo uyoy mmayolo, umusyugu, kangi bwilanabwila, kangi u Mputi Nkulumba, Umwene abagile ukubomba injila yilayila. Itolo, Umwene, umbili Gwake guli ku . . . pa Kikota kya Kyāla. Balinga basimenye isyo? [“Ameni.”] Umbili gwa Yeso guli pa Kikota kya Kyāla. Loli Umwene ikubombela imbombo umbili gwitu ukwināngisya Mwene, itolo mūmo Umwene āfingile ukubomba. “Imbombo isi Une ngubomba mwisakubombaga umwe numwe.”

Une ngubasumāga umwe ukwitūgāsya kimyemye, yaga bāluuyīndiko, kētésya, ipūta.

177 Lilino, Tāta Gwakumwanya, une ngelile ukuya itolo gwāluuyīndiko mūmo une mmanyile akabombelo, ukufwana ni kyēne. Lilino itolo i lisyu ukufuma kwa Ugwe lilino, Ntwa, kangi polelo kaliyaga akākimyemye, a Kogo akanini kasulukege pāsi ukwisila mu kilundilo iki nukuti, “Ikyēne yo Une; komma ukutīla.” Tupaga ikyēne, Tāta. Kangi une ngwībika nimwene kwa Ugwe, ni Ndumi iyi yilūmbililigwe ikilo iki, ni Lisyu Lyāko ukuya lisisimikisigwe. Ugwe utikufimbilisigwa ukubomba ikyene. Loli linga Ugwe kubombaga ikyo, pamo Ugwe naloli kubomba ikyene, panongwa yakuti Ugwe gwāfingile. Une ngusuma ukuti Ugwe kupaga iki, mu Ngamu ya Yeso. Amenī.

178 Kangi aligwesa naloliloli nuluyīndiko, itolo naloliloli nuluyīndiko. Mubōmbile ugwe? Lilino une ngukupāga ugwe i

Lisimbo bo uswe tukubūka mula. Linga u Ntwa ikubōmba, une ngamanya. Lōli itol- . . .Kangi une ndumbilīle bo ulo, muketile, ubo bo luko lumo ulwa bupakīgwe. Ubu bo luko ulungi lwa bupakīgwe. Lula lwāli itolo lusayo. Iki, itolo ikindu kimokyēne, itolo kikwēga u būmi itolo ukufuma mwa ugwe.

<sup>179</sup> Lilino unkīkūlu imīle apa. Une ngambonamo siku mbūmi bwangu. Ngimba uswe tuli bahesya? Une ngwitika ugwe uyobīle, akabalilo kanini aka kakīndilepo, une ngākumenye ugwe. Kyala akumenye ugwe. Umwene ammenye une. Ngimba ugwe umenye ukuti iki uswe twimile apa lilino, uswe tukubūka ukufimbilisīgwa ukwāmula panongwa ya ikyēne pa Lisiku lya Bulongi? [U kalumbu ikuyoba, “Ameni.”—Nsimbi] Ugwe usimenye isyo? Ugwe umenye ukuti iki uswe tukubōmba lilino, Kyāla isakutendeka uswe ukwāmūla panongwa ya kyēne kumwanya kula? Une njobile itolo ikyo panongwa yimo. Lilino, linga Untwa Yeso isakusetulaga kwa une iki ugwe kubomba, iki kili pa minogono gāko, pamo ikindukimo bo ikyo, ngimba ugwe ubagile ukwitika ikylene? Ugwe ubagile ukwitika ikyo, bule ugwe? [“Ameni.”]

<sup>180</sup> Ngimba umwe mukwitika ikylene panja apo, umwe kilundilo?

<sup>181</sup> Lilino uswe tukwīma itolo katikati bo yu nkīkūlu pa kisiba, kangi u Ntwa gwītu, u nnyāmbāla nu nkīkūlu ukwāgāna ku kabalilo kābo akākāwānda. Muketile? Apa uswe tufikīle, ulukomano ku . . .Ikyo kyo Mwikemo Yohani untu gwa 4. Lilino linga u Mbepo Mwikemo ikuyobaga. . .Linga ugwe uli apa panongwa ya munduyumo uyungi, linga ugwe uli mbine, linga ikyēne kyo lutamio lwa ku kāya, linga ulwene lutamio lwahela, kilikyosa iki ikylene kili, une ngaya nayo ifundo. Loli Umwene ikubomba. Lōli Umwēne abagīle ukumanya aminogono aga gali mu ndumbula yāko. Umwēne yo Lisyu. Une ngabagīla. Une ne mūndu. Ugwe uli itolo panandi gwālutende, kangi iyo yo nongwa une ngubōmba iki, ugwe uketīle.

<sup>182</sup> Ulo lo lumo mwa ndamio syāko, lo lutende. Uko ko kotalusya. Kangi ugwe kāngi uli ni mbungo ya sukali, ikyo kyo kindu kinine iki kitamisyē na ugwe. Uko ko kotalusya. Ifufānio, itolo ifindu fīngi fitamīsyē. Ngimba ikyo kitalusye? Linga ikyo kyo kitalusye, fyūsya ikiboko kyāko. Muketīle? Ngimba ugwe kwitika Umwene ikubumbulusyaga ugwe? [Kalumbu, “Une ngwitika.”—Nsimbi] Kwitika ugwe? Lilino, ulutende lwāko lutendekīgwe ukufuma ku bukusi bwāko, muketile, lōli lilino ulo lōsa lukukulekāga ugwe. Kangi une ngwitika ukuti nu lwītiko uswe tukubūkāga ku Kalvari, ukuya nu kusāmīsyā i Lilopa.

<sup>183</sup> Lilino, ikyo kyo katikati itolo iki Umwene ābombīle. Umwene ālimbulilē unkikulu ku kisiba iki ulutamio lwāke lwāli. Abāke bo bāli banyāmbala bingi fiyo. Ikyāko kyāli fiki. . .Une ngwinogona kyāli lutende, kangi fibili pamo findu

fitatu ukongeleláo fitamisyé na ugwe. Uko ko kotalusya, buli mukámomomu? Ikyo kyo kindu kilakila.

184 Lilino, akabalilo kako Umwene álisíle kwa Simoni, Umwene alinkumbula umwene uyu umwéne áli. Ugwe kwitika Kyala abagíle ukumbula une iki ingamu yáko yili? Ngimba ikyene kikukupela ugwe ukwitika ukongeleláo? Ikyene kikubómbága? Nka. Strong. . . [Kalumbu ikuyoba, “Stout.”—Nsimbi] Stout, ngimba ugwe kwitikága? Búkága nukwitika kangí ugwe. . . Ikyéne kimalike môsa. Ameni.

185 Isaga. Ugwe kwitika? Une kángi ndinhesya kwa ugwe. Une ngakumanya ugwe. Kyala akumenye ugwe. Ngimba ugwe kwitika ukuti Umwene abagile ukusetula ku myangu iki lo lutamio lwáko? Kangi linga Umwene ikubómba, polelo u Ntwa Kyala asayigwége. Ngimba isyo syabwanaloli? [Kalumbu, “Ena, ikyene kyo kyabwanaloli.”—Nsimbi.] Lilino komma—komma ukuya nukupásya, uketíle, uyu—uyu yo Mwéne, ukuti ugwe kwipilika ikyo. Umma ndaga. Ugwe kukubílwa kangi na kayílo kalutende, gwalutende mmulinogono, kangi ukuya nswanyuligwe môsa nakalinga. Kangi ugwe kukubílwa nu lutamio lwa kayongo ikindukimo kitamisyé ni kíníe, kangi ugwe uli nsitalilópa. Uko ko kotalusya. Ugwe uli nakyo ikindukimo. . .

186 Ukwene kukumilisa ukuya nnyambala uyungi. Ngimba ugwe kwitika ukuti Kyala ikubumbulusyaga ugwe? [Kalumbu, “Ena, une ngammanyá.”—Nsimbi] Ukubūmbulusya undumego, yópe, ukumpela umwéne ukuya kanunu? Ugwe kwinozona ulutamio lwa mūnda lwisakukulekága, kangi umwene isakuyaga kanunu? Ikyo kyo iki umwene ikukubílwa nakyo. Būka kabíke amaboko gáko pa mwene, mbūla umwéne lūlo, kangi ikyéne kisa—ikyéne kisa kundéka umwéne.

187 Une ndi nhesya kwa ugwe. U Ntwa Yeso amenye uswe babili, ngimba Umwene ikubombaga? Ngimba ugwe kwitika ukuti Kyala abagile ukupela ugwe uyege kanunu? Linga Untwa Yeso isakusetulaga kwa une ikindu iki kyo. . . iki ugwe gwe. . . ikyo kili mundumbula yako, ngimba ugwe kwitika ukuti Umwene ikukupelaga ugwe uyege kanunu? Ugwe ufumile pakuya nu lutamio lumo. Ugwe uli nu—nu—nu lutamio lwa kayongo, kuli kindu kyákwánda. Kangi ikindu ikíngi, ikyéne kipelíle akayongo káko ukuya nifilónda, lóli kyo iki u ngánga gwáko áyobíle. Lilino, ikindu ikíngi kyo, ukuti abéne bikulónda ukupanja panongwa ya ikyo. Uko ko katikati kotalusya. Ngimba ikyo kikaya kyábwanalóli? Lilino ngimba ugwe kwitika Umwéne abagíle ukukilania ikyo? Ugwe kwinozona u lwítiko lwáko luli mwa Umwéne? Lilino ugwe umenye ukuti une gaya une ikubómba ikyo. Ugwe kwitika? Umma ndaga. Būka, kangi mūmo ugwe gwítikíle, momūmo kiyége ikyéne kwa ugwe.

188 Uswe tuli bahesya yumo kunnine, une ngusakikisya. Untwa

Kyala amenye uswe twesa babili. Ngimba ugwe kwitika Umwene abagile ukusetula ku myangu iki kibagile ukukutūla ugwe? [Kalumbu ikuyoba, “Ena, une mmenye ikylene.”—Nsimbi] Ugwe, ugwe kwitika Umwene ikubombága. [“Sisimikísye.”] Une ngūti . . . “Sisimikísye,” ikyo kyo kinunu fiyo. Ikyo kinoge fiyo. Lilino ugwe uli ni findu fingi fiyo fitamisye na ugwe, ifufanio sīnyingi fiyo ni findu, kangi ukukosomola ngati, kangi ugwe ukabagila ukusókámo mu kwēne. Kangi ugwe naloliloli gwe gwalutende. Kangi—kangi ikyo, ikyo ko kotalusya.

<sup>189</sup> Polelo, ugwe uli nu busito pa ndumbula yāko, kangi ubusito ubo bo bwa munduyumo, uyu yo mwanundumiana gwāko. Kangi umwēne ali nu—nu lutamio, ulutamio lwa ku kāya. Umwene nu nkasi gwake, abene akabalilo kosa ukūmana nukukindilila . . . ? . . . Kangi ugwe uli nako ubusito ikylene. Uko ko kotalusya. Lilino ugwe kwitika ni ndumbula yāko yōsa, kangi ikyēne kisakuswepukága mōsa nukusókápo. Ugwe kwitika lilino. U Ntwa akusaye ugwe.

<sup>190</sup> Ngimba ugwe ubombile, nkulumba? Une ndi nhesya kwa ugwe, kangi—kangi ugwe gwe nhesya kwa une. Kangi ikylene kyo—ikylene kyo kikwanda . . . Imboniboni lilino, une ngukēta, kikuboneka ngati inyumba yōsa yikwēlúka itolo, ngati luko lwa kafulafumbi-ngati ukusyūngutíla. Uketile? Loli ngimba ugwe kwitika ukuti u Ntwa Yeso isakusetulaga kwa une iki ugwe gwimile apo? Ugwe kwitika ukuti Umwene ikubombaga? Une ngwitika ikyo, nīne. Une nguyoba itolo kwa ugwe, ukulunganisania i mbepo yāko, katikati kyo iki une ngubōmbela ikylene. Muketile, une ngakumanya ugwe, polelo ikylene kyo kindukimo ikingi palubafu pa une. Une ngufimbilisígwa ukwīyēga nimwene itolo fiyo ukwisōsyápo ukumalísya ukufuma kwa nimwene, ukuti Umwēne abōmbē ikyēne Mwēne. Ugwe kupilikisya?

<sup>191</sup> Lilino, ikindu kimokyēne, ugwe kukubilwa na kayílo akabíbi ka bwitūgásye bwa lutende, kangi akayílo ka lutende aka kalimo ku kabalilo kamo. Uko ko kotalusya. Kangi akayílo ka lutende aka katēndike ugwe ukuya nu kukūya kwa lilopa ukwapamwanya, kōpe. Kangi ugwe gwāli nu kusililika. Ikyo kyo ikyēne. Tuyobe, ugwe pamo gwāli ndumbilili, pamo uli ndumbilili. Lilino ugwe uli ndumbilili; une nguketa ugwe kwīma pa kigemo. Polelo, yaga nu lwitíko mwa Kyāla, kangi u lutēnde lula lwisakukulekaga ugwe. Abalumbilili bōsa balinakyo ikyo. Ugwe kwisakuyaga kanunu mōsa. Gomokéla ku kigemo kyāko, kangi mpilikila Kyāla nukwitugasya gwābwanaloli ku Lisyu lila, Yeso Kristi.

<sup>192</sup> Ugwe kwitika ulutamio lwāko lwa nyuma lwākulekile ugwe, gwitūgésye nkikota? Ngimba ugwe kwitika ikyēne? [U kalumbu ikuyoba, “Ena.”—Nsimbi] Umma ndaga, nkulumba, polelo kindililága itolo, kuyoba, “Ndaga Ugwe, Ntwa.”

193 Isaga, nkikulu. Ngimba ugwe ubōmbile? Ugwe kunyitika une ukuya ntumigwa gwa Kyala? [Kalumbu ikuyoba, “Naloliloli ngubomba.”—Nsimbi] Umma ndaga. Ngimba ugwe kwitika ulutamio lwa bakikulu lula, ulutamio lwa bukikúlu, lo lukukulekága ugwe? [“Ameni.”] Ugwe kwitika? Polelo kindililaga, yobaga, “Ndaga Ugwe, Ntwa.”

194 Ulutamio lwa lufigo, ulutamio lwa nyuma, ku nyuma yāko. Ngimba ugwe kwitika ukuti Kyala ikukubumbulusyaga ugwe nukukupela ugwe ukuya kanunu, ukufuma ku ikyo? Ugwe kwitika ukuti Umwene ikukupelaga ugwe uyege kanunu? Syosa silikanunu, ega nkyeni mwako...?...

195 Isaga, nkikúlu. Une ndi nhesya kwa ugwe. Linga une ngāyobile nakimo kwa ugwe, na panandi, ngimba ugwe ubagile ukwitika ukuti u Kuyapo kwa Kyala kuli apa ukubumbulusya ababíne? [Kalumbu ikuyoba, “Naloliloli, une ngwitika ikylene.”—Nsimbi.] Ugwe ubagile? Ena, linga ugwe kubomba, ulutamio lwako lwa munda... Une mmalíle ngubúlíle ugwe, ugwe uketile. Ikyene kyo—ikyene kibukile. Une ngubulile ugwe, muketile.

196 Ngima ubōmbile ugwe, nkulumba? Kyāla ikwitugasya mu ndumbula. Kangi i ndumbula yāko yināngisyága pamwanya apa lululu ulu, nnyali. Ngimba ugwe kwitika ukuti Umwene isakupelaga iyene ukuya kanunu? Kindililaga kangi itikaga ikylene. Kyala akusaye ugwe. Ugwe kwitika; Umwene isakupelaga iyene ukuya kanunu.

197 Ugwe uli nulutēnde, yikupelíle ugwe ukuya nu lutamio lwa munda, ikilōnda kya māla. Ikyēne kikukutamia ugwe ukufuma pa kulya. Ugwe kwitika ikyēne kisōkílémó kyōsa lilino? Būka kiyégéle gwimwene ikindikimo ikya kulya.

198 Luko lwa bukafu kuli ugwe ukusumuka, inyuma yikukutamia ugwe mbubibi fiyo. [U mbine ikuyoba, “Ena, nkulumba.”—Nsimbi] Iyēne yitikukutamiaga ugwe kangi mma, linga ugwe kwitikaga ikyēne. Ngimba ugwe kubombaga? [“Ena, nkulumba.”] Fyosa filikanunu, kindililaga, kangi u Ntwa Yeso ikukupelaga ugwe ukuya nnuu lōsa.

199 Ngimba ugwe gwe gwalutēnde fiyo fiki? Itolo kindililága, yobaga, “Une ndikuyaga gwālutēnde kangi mma,” kangi ugwe utisakuya. Būkága nukwītika. Umma ndaga, nkulumba.

200 Lilino, nkikulu. Lilino, unkikúlu gwa kiItiopia, kangi unkikúlu umwelu, itolo katikati ngati ikindikimo ngati ikyo bālyāgéne mulisiku lila, Yeso. Abēne bāli nukwipagulania mūmo abēne bālīsibíle ukuya nakyo Kwitongo, lōli uswe tukaya nakyo ikyēne kangi mma. Yeso abātendíke abēne bamanye ukuti abāndu bōsa bāli bāndu ba Kyāla. Kukālípó ukukindana nakumo, muketile, kali umwēne āli n’Juda pamo m’Samaria.

201 Lilino, linga Kyāla atikukutúla ugwe, nakalinga lululu ukutupa kwa fifupa kula kwisakukulemasyaga ugwe mōsa. Ngimba ugwe kwitika Umwēne ikukutúlaga ugwe, ukupela

ugwe uyege kanunu? Itolo bo yu nkíkúlu ābōmbíle, būka pa nsebwe gwāko kangí bābúla abāndu bāko ikindu ikikulumba kiliku iki Kyāla akubōmbíle ugwe. Umma ndaga.

Lilino, alipo umpanji itendekísye ukusōsya panja ikimāge.

<sup>202</sup> Itolo pa kabalilo. Ikyēne kikāli nkíkúlu uyu mma. Lilino, akabalilo kanandi itolo, aligwesa nuluyindiko lilino. Yo—yo Setano, ikugela ukubomba ikindukimo. Apa ikyene kili. Lyulu lya kansa, lyūlu lya kansa, babili-mwesa ba umwe. Uko ko kotalusya. Ugwe uli ni lyulu lwa kansa, umwene ali ni lyūlu lya kansa, kangí u mōhesi uyu ikuywega ikukōléla ku butuli ukufuma kimo ku kinine. Lōli Mbepo Mwīkemo ikuywega, yópe. Ywani ugwe kumwitikága, Umwene? Umma ndaga. Sumuka ukufuma nkatala ako, nkíkúlu. Sumuka ukufuma pa kitala ikyo. Sokámo ukufuma mu ikyo. Būkága, itika Umwēne lilino. Ameni.

<sup>203</sup> Ngimba umwe mukwitika? Fyosa ifindu fibagile. Ngimba umwe mukwitika? Ngimba bule umwe mu kilundilo?

<sup>204</sup> Unko uswe twīme pa malundi gitu lilino. Lululu ulu ko kabalilo ukubomba ikyene. Unko umundu aligwesa. . . Kyala akusaye ugwe. Unko umundu aligwesa pa malundi gako itolo lilino. Mpaga Kyala ulutufyo. Fyusya amaboko ginu.

<sup>205</sup> Ndaga Ugwe, Ntwa Yeso! Uswe tukukutufya Ugwe panongwa ya bukulumba Bwāko, kangí ukubūbulúsya Kwāko kwa babine. 🙏

64-0307 U Bukéti Pa Sũmbi  
Tempeli Ya Soul's Harbor  
Dallas, Texas U.S.A.

KYANGONDE

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)